

摘藻堂四庫全書薈要

子部

欽定四庫全書薈要

子部

列子卷一
四至

臣董誥詳校

詳校官主事臣陳木



欽定四庫全書薈要

列子

提要



臣等謹按列子八卷周列禦寇撰劉向校定
為八篇以禦寇為鄭穆公時人柳宗元辨為
繻公時人考據極確唐天寶元年冊為冲虛
真人尊其書為冲虛真經宋景德間加至德
二字宗元謂是書亦多增竄非其實高似孫

子畧以莊子天下篇歷叙墨翟以下諸子不
及禦寇司馬遷亦不傳列子遂謂後人薈萃
而成之皆於理或近似孫又謂出於莊子之
寓言並無其人則太臆斷矣晉張湛嘗為之
註詞旨簡遠可亞於王弼注老郭象註莊其
註鍊石補天之類皆妙得寓言之旨葉夢得
乃詆其逐事為解反多迷失蓋夢得僻於佞
佛欲取列子書一一比附于禪學故於湛之

註合已說者則以為微知其意不合已說者
則惡其害已而排之非篤論也其揚朱力命
二篇宗元以所稱魏牟孔穿皆在列子以後
疑為揚朱之書然劉向以來並無是說今亦
不取焉乾隆四十年五月恭校上

總纂官

臣紀昀臣陸錫熊臣孫士毅

總校官

臣陸費墀

欽定四庫全書



提要

張湛列子注原序

湛聞之

張湛字處度東晉光祿勳注此真經

先父曰吾先君與劉正輿傳

頴根皆王氏之甥也並少

詩照反

遊外家舅始周

姓王張湛祖之

舅

始周從

疾用反

兄正宗輔嗣皆好

呼教反

集文籍先并

卑政

反得仲宣家書幾將萬卷傅氏亦世為學門三君總角

競錄奇書及長

丁大反

遭永嘉之亂與頴根同避難

乃旦反

南行車重各稱

尺證反

力並有所載而寇虜彌盛前途尚

遠張謂傅曰今將不能盡

子忍反

全所載且共料

音簡世聊

所希有者各各保錄令無遺棄音穎根於是唯賈音其祖

玄父咸子集先君所錄書中有列子八篇及至江南僅

音觀少也

有存者列子唯餘楊朱說符目錄三卷比必利亂反

正興為揚州刺史先來過江復扶又反在其家得四卷尋

從輔嗣女壻趙季子家得六卷參校有無始得全備其

書大略明羣有以至虛為宗萬品以終滅為驗神惠以

凝寂常全想念以著

直畧反

物自喪

息浪反

生覺

音教

與化夢

等情巨細不限一域窮達無假智力治身貴於肆任

而鵠

反順性則所之皆適水火可蹈忘懷則無幽不照此其
旨也然所明往往與佛經相參大歸同於老莊屬音燭辭
引類特與莊子相似莊子慎到韓非尸子淮南子玄示
旨歸多稱其言遂注之云爾

劉向列子目錄原序

右新書定著八章護左都水使者光祿大夫臣向言所

校中書列子五篇臣向謹與長社尉臣參校讎太常書

三篇太史書四篇臣向書六篇臣參書二篇內外書凡

二十篇以校除復

扶又反

重十二篇定著八篇中書多外

書少章亂布在諸篇中或字誤以盡

津上聲誤也下同

為進以

賢為形如此者衆及在新書有棧

音剪

校讎從中書已定

皆以殺青

謂汗簡刮去青皮也

書可繕寫列子者鄭人也與鄭繆

音公同時益有道者也其學本於黃帝老子號曰道家道

家者秉要執本清虛無為及其治身接物務崇不競合於

六經而穆王湯問二篇迂誕恢詭非君子之言也至於

力命篇一推分

符問反

命楊子之篇唯貴放逸二義乖背

音不似一家之書然各有所明亦有可觀者孝景皇帝

時貴黃老術此書頗行於世及後遺落散在民間未有

傳者且多寓言與莊周相類故太史公司馬遷不為列

傳謹第錄臣向昧死上

時掌反

護左都水使者光祿大夫

臣向所校列子書錄永始三年八月壬寅上

欽定四庫全書

序

欽定四庫全書薈要

列子目錄

卷一

天瑞第一

卷二

黃帝第二

卷三

周穆王第三

卷四

仲尼第四

一曰
極智

卷五

湯問第五

卷六

力命第六

卷七

楊朱第七

一曰
達生

卷八

說符第八

欽定四庫全書薈要卷一萬一千九十四

子部

列子卷一

晉 張湛 註

唐 殷敬順 釋文

天瑞第一

夫巨細舛錯修短殊性雖天地之大羣

者存亡變化自然之符夫唯寂然至虛凝一而不變者非陰陽之所終始四時之所遷革

子列子

載子於姓上者首章或

居鄭圃

音布鄭有圃田

四十年

人無識者

非形不與物接言不與物交不

國君卿大夫

眎之猶衆庶也

非自隔於物直言無是非

國不足

年將

嫁於衛

謂自家而出

弟子曰先生往無反期弟子敢有所

謁先生將何以教先生不聞壺丘子林之言乎

壺丘子林列子

師之子列子笑曰壺子何言哉

四時行百物生豈假於言哉

雖然夫子

嘗語伯昏瞽

莫侯反

人吾側聞之試以告女

伯昏列子之友同學於壺

子不言自受教於壺子者列子之謙者也

其言曰有生

今塊然之形也

不生

生物而不自生

者有化

今存亡變改也

不化

化物而不自化者也

不生者能生

不生者固生物

之不化者能化

不化者固化物之主

生者不能不生化者不能

不化

生者非能生而生化者非能化而化也直自不得不生不得不化者也

故常生常化

涉於有動之分者不得暫無也常生常化者無時不生無時不化相生相因

存亡往復理無間也陰陽爾四時爾陰陽四時節變化之物而復屬於有生之域者皆隨此陶

運四時改而不停萬物化而不息者也不生者疑獨不生之主豈可實而驗哉疑其冥一而無

始終也不化者往復音服後不往復其際不可窮代謝無間形

不疑獨其道不可窮音者倣此其何以知其窮與不窮哉直自疑其獨立而不改周行而不殆也

黃帝書曰谷神不死古有此書今已不存夫谷虛而宅有亦如莊子之稱環中至虛無物

故謂谷神本自是謂玄牝毗忍反老子有此一章王弼注曰無形無影無逆無違處

卑不動守靜不衰谷以之成而不見其形此至物也處卑而不可得名故謂之玄牝玄牝之門是

謂天地之根綿綿若存用之不勤

王弼曰門玄牝之所由也本其所由與太

極同體故謂天地之根也欲言存邪不見其形欲言亡邪萬物以生故曰綿綿若存無物不成而不勞也故曰

不故生物者不生化物者不化

莊子亦有此言向秀注曰吾之生也非吾之所

生則生自生耳生者豈有物哉故不生也吾之化也非物之所化則化自化耳化化者豈有物哉無物也故不化焉若使生物者亦生化物者亦化則與物俱化亦奚異於物明夫不生不化者然後能為生化之本也

自生自化自形自色自智自力自消自息

皆自爾耳豈有尸而為之

者謂之生化形色智力消息者非也

若有心於生化形色則豈能官天地

而府萬物瞻羣生而不匱乎

子列子曰昔者聖人因陰陽以統天地

天地者舉形而言陰陽者明其度數統理夫有形者生於無形謂之生者則不死無者則

不生故有無之不相生理既然矣則有何由而生忽爾而自生忽爾而自生而不知其所以生不知所以生生

則本同於無本同於無而非無也此則天地安從生天地

無所從生故曰有太易有太初有太始有太素此明物之自微

而至著變化之太易者未見賢過反氣也易者不窮滯之稱凝寂於太虛

之域將何所見耶如易繫太初者氣之始也陰陽未判即下句所

謂渾太始者形之始也陰陽既判則太素者質之始也品物流形也

質性也既為物矣則方員氣形質具而未相離此直論氣形質

剛柔靜躁沉浮各有其性

不復說太易太易為三者
宗本於後句別自明之也

故曰渾

淪

音論下同

渾淪者言

萬物相渾淪而未相離

力智反去也

也

雖渾然一氣不相離散而三才之道實潛

兆乎其中淪語之助也

視之不見聽之不聞循之不得故曰易也

易無形埒

不知此下一字老子曰視之不見名曰希而此曰易易亦希簡之別稱也太易之義如此

而已故能為萬化宗主冥一而不變者也

易變而為一

所謂易者窈冥惚恍不可變也一氣恃之

而化故寄名變耳

一變而為七七變而為九九變者究也

究窮也一

變而為七九不以次數者全舉陽數領其都會

乃復變而為一一者形變之始

也
既涉於有形之域理數相推自一之九九數既終乃復反而為一反而為一歸於形變之始此蓋明變化

往復無窮極

清輕者上為天濁重者下為地

天地何邪直虛實清濁之自分

判者耳此一章全

是周易乾鑿度也 沖和氣者為人故天地含精萬物化

生

推此言之則陰陽氣徧交會而氣和氣和而為人生人生則有所倚而立也

子列子曰天

地無全功聖人無全能萬物無全用

全猶備也

故天職生覆

地職形載聖職教化物職所宜

職主也生各有性性各有所宜者也

然則

天有所短地有所長聖有所否物有所通

夫體適於一方者造餘塗

則閭矣王弼曰形必有所分聲必有所屬若溫也則不能涼若宮也則不能商

何則生覆者不

能形載形載者不能教化教化者不能違所宜

順之則通也

宜定者不出所位

皆有素分不可逆也

故天地之道非陰則陽聖

人之教非仁則義萬物之宜非柔則剛此皆隨所宜而

不能出所位者也

方圓靜躁理不得無然尋形即事則名分不可相干任理之通方圓未必

相乖故二儀之德聖人之道燾育羣生澤周萬物盡其清寧貞粹而已則殊塗融通動靜澄一蓋由聖人不逆萬物之性萬物不犯聖人之化凡滯於一方者形分之所闕耳道之所運常冥通而無待故有生者

有生生者有形者有形形者有聲者有聲聲者有色者

有色色者有味者有味味者

形聲色味皆忽爾而生不能自生者也夫不能自生

則無為之本無為之本則無留於一象無係於一味故能為形氣之主動必由之者也

生之所生

者死矣而生生者未嘗終形之所形者實矣而形形者未嘗有聲之所聲者聞矣而聲聲者未嘗發色之所色者彰矣而色色者未嘗顯味之所味者嘗矣而味味者

未嘗呈

夫盡於一形者皆隨代謝而遷革矣故生者必終而生生物者無變化也

皆無為之

職也

至無者故能為萬物之宗主也

能陰能陽能柔能剛能短能長能

圓能方能生能死能暑能涼能浮能沈能宮能商能出

能沒能玄能黃能甘能苦能羶能香無知也無能也而

無不知也而無不能也

知盡則無知能極則無能故無所不知無所不能何晏道論曰

有之為有待無以生事而為事由無以成夫道之而無語名之而無名視之而無形聽之而無聲則道之全焉故能昭音響而出氣物包形神而章光影玄以之黑素以之白矩以之方規以之圓圓方得形而此無形白黑得名而此子列子適衛食於道從者見百歲髑髏捷蓬

而指

捷音蹇拔也

顧謂弟子百豐曰唯予與彼知而未嘗生

未嘗死也

俱涉變化之塗則予生而彼死推之至極之域則理既無生亦又無死也

此過

古卧

反養乎此過歡乎

遭形則不能不養遇生則不能不歡此過悞之徒非理之實當也

種

章勇有幾

居豈反○先問變化種數凡有幾條然後明之於下

若蠅為鶉

事見墨子

得

水為鹽

音計司馬彪云謂水土之氣相繼而生也

得水土之際則為蠅蟻

步田

反司馬彪云物根在水土際布在水中就水土視之不
見鈔之可得如張縣在水中矣楚人謂之蠅蠚之衣

之衣

衣猶覆蓋

生於陵屯

音豚阜也○屯高潔處也

則為陵鳥

此隨所生之處

而變者也

陵鳥得鬱栖則為鳥足

此合而相生也

鳥足之根為蟻螯

其葉為胡蝶

根本也葉散也言鳥足為蟻螯之本其末散化為胡蝶也

胡蝶胥也

胥皆

也言物皆化也

化而為蟲生竈下其狀若脫

郭注爾雅云脫謂剥皮也

其名

曰駒

音掇丁括反駒掇蟲名○此衢一形之內變異者也

駒掇千日

千日而死化而

為鳥其名曰乾餘骨乾餘骨之沫為斯彌

沫猶精華生起

斯彌

為食醯

許考反若酒上蟻蠓也下同

頤輅

上路

食醯頤輅生乎食醯

黃軹

音呪順輅黃軹皆蟲名

食醯黃軹生乎九猷

季云九當作久老也猷蟲名

也九猷生乎瞽

茂謀二音芮音蚋小

瞽芮生乎腐

音權漸蟪一音

歡謂瓜中黃甲蟲也。此皆死而更生之一形者也。

羊肝化為地臯馬血之為轉

鄰也

說文作鄰又作鄰皆鬼火也淮南子云血為鄰也音吝

人血之為野火也

此皆

一形之內鷄之為鸛鷁之為布穀布穀久復為鷄也燕

自變化也之為蛤也田鼠之為鴽也朽瓜之為魚也老韭之為莧

也老獐

音之為猿也

魚卵之為蟲

此皆無所因感自然而變者也

亶爰

上蟬下表

之獸自孕而生曰類

亶音蟬山海經云亶爰之山有獸其狀如狸而

有髮其名曰類自

河澤之鳥視而生曰鷦

五歷反。此相視而生者也。莊

子曰白鷦相視眸子

純雌其名大畧純雄其名穉

古稚字

蜂司馬彪云稚蜂細

畧者取桑蟲祝之使似己子也。○

之理既然下明人

思士不妻而感思女不夫而孕

大荒經曰

有思幽之國思士不妻思女不夫精氣潛

后稷生乎巨

跡傳記云高辛氏之妃名姜原見大人跡好而履之如

有人理感已者遂孕因生后稷長而賢乃為堯佐即

周祖伊尹生乎空桑

博記曰伊尹母居伊水之上既孕夢有神告之曰日水出而東走無

顧明日視日出水告其鄰東走十里而顧其邑盡為水

身因化為空桑有莘氏女子採桑得嬰兒于空桑之中

故命之曰伊尹而獻其君令厥昭生乎濕此因蒸醢雞

生乎酒

此因酸氣而生

羊奚比

毗音

不荀

此異類而相親比也

久竹生青

寧

因於林藪而生

青寧生程

自從繼至於程皆生生之物蛇鳥蟲獸之屬言其變化無常或以形

而變或死而更生終始相因無窮已也

程生馬馬生人人久入於機萬物

皆出於機皆入於機

夫生死變化胡可測哉生於此者或死于彼死于彼者或生於此而

形生之主未嘗暫無是以聖人知生不常存死不永滅一氣之變所適萬形萬形萬化而不化者存歸於不化故謂之機機者羣有之始動之所宗故出無入有散有反無靡不由之也

黃帝書曰形動不

生形而生影聲動不生聲而生響

夫有形必有影有聲必有響此自然而並

生俱出而俱沒宜有相資前後之差哉郭象注莊子論之詳矣而世之談者以形動而影隨聲出而響應聖人則之以為喻明物動則失本靜無動不生無而生有之則歸根不復曲通影響之義也

為有恃無以生言生必由無而無不生有此運動之功必賴於無故生動之稱因事而立耳形必終

者也天地終乎與我偕終料巨細計修短則與我殊矣會歸於終理固無差者也

終進乎不知也進當為盡此書盡字例多作進也聚則成形散則為終此世之所為終始也然

則聚者以形實為始以離散為終散者以虛漠為始以形實為終故迭相與為終始而理實無終無始者也

道終乎本無始進乎本不久久當為有無始故有生則不終無有故不盡

復於不生有形則復於無形生者反終形者反不生者

此不生者先有其生然後之於死滅

非本不生者也

本不生者初自無生無滅

無形者

此無形亦先有其形然後之於離散

非本無形者也

本無形者初自無聚無散者也夫生生物

者不生形形物者無形故能生形萬物於我體無變今謂既生既形而復反於無生無形者此故存亡之往復爾非始終之不變者也生者理之必終者也終者不得不終亦如

生者之不得

生者不生而自生故雖生而不知所以生不知所以生則生不可絕不知

所以死則死不可禦也

而欲恒其生畫其終惑於數也

畫亡也

精神

者天之分骨骸者地之分屬天清而散屬地濁而聚精

神離形各歸其真

天分歸天地分歸地各反其本

故謂之鬼鬼歸也歸

其真宅

真宅太虛之域

黃帝曰精神入其門骨骸反其根我尚

何存

何生之無形何形之無氣何氣之無靈然則心智形骸陰陽之一體偏積之一氣及其離形歸根則

反其真宅而我無物焉

人自生至終大化有四

其間遷易無時暫停四者蓋舉大較

而言也嬰孩也少壯也老耄也死亡也其在嬰孩氣專志

一和之至也物不傷焉德莫加焉

老子曰含德之厚比於赤子

其在

少壯則血氣飄溢欲慮充起物所攻焉德故衰焉

處力競之

地物所不與也

其在老耄則欲慮柔焉體將休焉物莫先焉

休息

也已無競心則物不與爭

雖未及嬰孩之全方於少壯間矣其在死

亡也則之於息焉反其極矣孔子遊於太山見榮啓期

行乎成

音成魯邑名

之野鹿裘帶索

先各反

鼓琴而歌孔子問

曰先生所以樂

音洛下同

何也對曰吾樂甚多天生萬物唯

人為貴而吾得為人是一樂也

推此而言明人之神氣與衆生不殊所適者異

故形貌不一是以榮啓期深測倚伏之緣洞識幽顯之驗故忻遇人形無得男貴宜孟浪而言

男女之

別

彼列反

男尊女卑故以男為貴吾既得為男矣是二樂

也

人之將生男女亦無定分故復喜得男身

人生有不見日月不免襁褓者

吾既已行年九十矣是三樂也貧者士之常也死者人

之終也處常得終當何憂哉孔子曰善哉能自寬者也

不能都忘憂樂善其能推理自寬慰者耳

林類年且百歲

書傳無聞蓋古之隱者也

底春

被裘拾遺穗於故畦

收刈後田中棄穀拾之也

並歌並進孔子適衛

望之於野顧謂弟子曰彼叟可與言者試往訊之子貢

請行逆之壠端面之而歎曰先生曾不悔乎而行歌拾

穗林類行不留歌不輟子貢叩之不已乃仰而應

於證反

曰吾何悔邪子貢曰先生少不勤行

下孟反下同

長不競時

老無妻子死期將至亦有何樂而拾穗行歌乎林類笑

曰吾之所以為樂人皆有之而反以為憂

我所以為樂者人人皆同

但未能觸事而夷故無慙歡

少不勤行長不競時故能壽若此

不勤行則

遺名譽不競時則無利欲二者不存於胸中則百年之壽不祈而自獲也

老無妻子死期將

至故樂若此

所謂樂天知命故無憂也

子貢曰壽者人之情死者人

之惡子以死為樂何也林類曰死之與生一往一反故

死於是者安知不生於彼故吾知其不相若矣吾又安

知營營而求生非惑乎亦又安知吾今之死不愈昔之

生乎

尋此旨則存亡往復無窮已也

子貢聞之不喻其意還以告夫子

夫子曰吾知其可與言果然然彼得之而不盡者也

然卒

聞林類之言盛以為已造極矣而夫子方謂未盡夫盡者無所不盡亦無所盡然後盡理都全耳今方對無於有去彼取此則不得不覺內外之異然所不盡者亦少許處耳若夫萬變玄一彼我兩忘即理自夷而實無所遺夫冥內遊外同於人羣者豈有盡與不盡者乎

子貢倦於學告仲尼曰願有

所息

學者所以求復其初乃至於厭倦則自然之理虧矣

仲尼曰生無所息

勞知慮役

支體此生者之事

莊子曰生為徭役子貢曰然則賜息無所乎仲尼曰有

焉耳望其壙

音曠墓穴也

皐

音皐

如也宰如也墳如也鬲

音歷形如鼎又

音如也則知所息矣

見其墳壤鬲異則知息之有所莊子曰死為休息也

子貢曰

大哉死乎君子息焉小人伏焉

樂天知命泰然以待終
君子之所以息去離憂

苦昧然而死小人之所以伏也

仲尼曰賜汝知之矣人昏知生之樂未

知生之苦知老之憊未知老之佚知死之惡不知死之

息也

莊子曰大塊載我以形勞我以生佚我以老息我以死耳

晏子曰善哉古之有

死也

生死古今所同而獨善古之死者明古人不樂生而惡死也

仁者息焉不仁者

伏焉

修身慎行恒懷兢懼此仁者之所憂貪欲縱肆常無厭足此不仁者之所苦唯死而後休息寢伏之

死也者德之微

音也德者得也微者歸也言各得其所歸

古者謂死人為

歸人夫言死人為歸人則生人為行人矣行而不知歸

失家者也一人失家一世非之天下失家莫知非焉

此衆

寡相傾者也晏子儒墨為家重形生者不辨有此言假託所稱耳

有人去鄉土離六親

廢家業遊於四方而不歸者何人哉世必謂之為狂蕩

之人矣又有人鍾賢世

鍾賢世宜言重形生

矜巧能修名譽誇張

於世而不知己者亦何人哉世必以為智謀之士此二

者胥失者也

此二者雖行事小異而並不免於溺喪也

而世與一不與一唯

聖人知所與知所去

丘呂反注同○以生死為寤寐者與之溺喪忘歸者去之

或謂

子列子曰子奚貴虛列子曰虛者無貴也

凡貴名之所生必謂去

彼而取此是我而非物今有無兩忘萬異冥
一故謂之虛虛既虛矣貴賤之名將何所生
子列子曰

非其名也名而有實著非假莫如靜莫如虛靜也虛也得

其居矣取也與也失其所矣夫虛靜之理非心慮之表

之性內安諸己則自然真全矣故物以全者皆由虛事
靜故得其所安所以敗者皆由動求故失其所處

之破礪音毀而後有舜仁義者弗能復也當為之於未有

至虧喪凋殘方欲鼓舞仁義以粥音熊周文王師封於
求反性命之極者未之得也粥音熊楚著子書二十

二曰運轉亡已天地密移疇覺之哉此則莊子舟壑之

隙丘以是徂夫萬物與化為體體隨化而遷化不暫停
物豈守故故向之形生非今形生俯仰之間已涉萬變

氣散形朽非一旦頓至而昧者操必化之故物損於彼

者盈於此成於此者虧於彼

所謂川竭谷虛丘夷淵實也

損盈成虧

隨世隨死

此世亦宜言生

往來相接間不可省疇覺之哉

成者方自

謂成而已虧矣生者方自謂生而已死矣

凡一氣不頓進一形不頓虧亦不

覺其成不覺其虧

皆在冥中而潛化固非耳目所瞻察

亦如人自世

音生至

老貌色智能亡日不異皮膚爪髮隨世

音生下同

隨落非嬰

孩時有停而不易也

形色髮膚有精麗者新故相換猶不可識况妙於此者乎

間不

可覺俟至後知杞國有人憂天地崩墜身亡所寄廢寢

食者又有憂彼之所憂者因往曉之

彼之所憂者惑矣而復以不惑憂彼

之所惑不憂彼之所憂喻積惑彌深何能相喻也

曰天積氣耳亡處亡氣若屈

伸呼吸終日在天中行止奈何憂崩墜乎

夫天之蒼蒼非鏗然之質

則所謂天者豈但遠而無所極邪自地而上則皆天矣故俯仰喘息未始離天也

其人曰天果

積氣日月星宿

音秀下同

不當墜邪曉之者曰日月星宿亦

積氣中之有光耀者

氣亦何所不勝雖天地之大猶自安於太虛之域况乃積氣相舉者

也只使墜亦不能有所中

丁仲反

傷其人曰奈地壞何曉

者曰地積塊耳充塞四虛亡處亡塊若蹠步跣

音蹈徒此蹈到

反四字皆終日在地上行止奈何憂其壞其人舍

音釋下同

然大喜

舍宜作釋此書釋字作舍

曉之者亦舍然大喜

此二人一以必敗為憂一

以必全為喜此未知所以為憂喜也而互相慰喻使自解釋固未免於大惑也

長廬子聞而笑

之曰虹蜺也雲霧也風雨也四時也此積氣之成乎天

者也山岳也河海也金石也火木也此積形之成乎地

者也知積氣也知積塊也奚謂不壞

夫混然未判則天地一氣萬物一形

分而為天地散而為萬物此蓋離合之殊異形氣之虛實

夫天地空中之一細物有

中之最巨者難終難窮此固然矣難測難識此固然矣

憂其壞者誠為大

泰音

遠言其不壞者亦為未是天地不

得不壞則會歸於壞遇其壞時奚為不憂哉

此知有始之必終有

形之必敗而不識休戚與陰陽升降器質與天地顯沒也

子列子聞而笑曰言天地

壞者亦謬言天地不壞者亦謬壞與不壞吾所不能知

也雖然彼一也此一也

彼一謂不壞者也此一謂壞者也若其不壞則與人偕全若其

壞也則與人偕亡何為欣戚於其間哉

故生不知死死不知生來不知去

去不知來壞與不壞吾何容心哉

生之不知死猶死之不知生故當其成也莫知

其毀及其毀也亦何知其成此去來之見驗成敗之明徵而我皆即之情無彼此何處容其心乎

舜問

乎。烝曰：道可得而有乎？

烝欲明羣有皆同於無，故舉道以為發問之端。

曰：汝身

非汝有也。汝何得有夫道？

郭象曰：夫身者非汝所能有也。塊然而自有耳，有非所有。

而況無哉？

舜曰：吾身非吾有孰有之哉？

據有此身故重發問。

曰：是天地

之委形也。

是一氣之偏積者也。

生非汝有，是天地之委和也。

積和故成。

生性命非汝有，是天地之委順也。

積順故有存亡耳。郭象曰：若身是汝有，則

美惡死生當制之由汝。令氣聚而生，汝不能禁也。氣散而死，汝不能止也。明其委結而自成，非汝之有也。孫

子非汝有，是天地之委蛻也。

音稅。

氣自委結而蟬蛻耳。若汝有，則男女多少亦

當由汝也。

故行不知所往，處不知所持，食不知所以。

皆在自爾中來。

非知而天地強陽氣也又胡可得而有耶

天地即復委結中之最大

者也今行處食息皆強陽氣之所運動豈識其所以然強陽猶剛實也非剛實理之至反之虛和之極則無形無生不死不終則性命何所委順子孫何所委蛻行處何所止泊飲食何所因假也

齊之國氏大

富宗之向氏大貧自宗之齊請其術國氏告之曰吾善

為盜始吾為盜也一年而給二年而足三年大壤

如掌反又

作自此以往施

以智反延也

及州閭向氏大喜喻其為盜之

言而不喻其為盜之道遂踰垣鑿室手目所及亡

音無下同

不探也未及時以賊獲罪没其先居之財向氏以國氏

之謬已也往而怨之國氏曰若為盜若何向氏言其狀

國氏曰嘻

音熙哀痛之聲

若失為盜之道至此乎今將告若矣

吾聞天有時地有利

謂春秋冬夏方土出有也

吾盜天地之時利雲

雨之滂

普浪反

潤山澤之產育以生吾禾殖吾稼築吾垣

建吾舍陸盜禽獸水盜魚鱉亡非盜也夫禾稼土木禽

獸魚鱉皆天之所生豈吾之所有

天尚不能自生豈能生物人尚不能自有

豈能有物此乃明其自生自有也

然吾盜天而亡殃

天亡其施我公其心何往而有怨哉

夫金玉珍寶穀帛財貨人之所聚豈天之所與

天尚不能與豈

人所能聚此亦明其自能自聚

若盜之而獲罪孰怨哉

人有其財我犯其私所以致咎

向氏大惑以為國氏之重罔已也過東郭先生問焉東

郭先生曰若一身庸非盜乎盜陰陽之和以成若生載

若形況外物而非盜哉

若其有盜邪則我身即天地之一物不得私而有之若其無盜

邪則外內不得異也

誠然天地萬物不相離

力智反

也認音而有之

皆惑也

夫天地萬物之都稱萬物天地之別名雖復各私其身理不相離認而有之心之惑也因此而

言夫天地委形非我有也飭愛色貌矜伐智能已為惑矣至於甚者橫認外物以為已有乃標名氏以自異倚親族以自固整章服以耀物藉名位以動衆封殖財貨樹立權黨終身欣玩莫由自悟故老子曰吾所以有大

患為吾身莊子曰百骸六藏吾誰與為親領斯國氏之
旨也則方寸與太虛齊空形骸與萬物俱有也

盜公道也故亡殃若之盜私心也故得罪

名公者對私之名無私則公

名滅矣今以犯天者為公犯人者為私於理未至

有公私者亦盜也

直所犯之異耳未為

非盜亡公私者亦盜也

一身不得不得有財物不得不聚復欲遣之非能即而無心者也公

公私私天地之德

生即天地之一理身即天地之一物今所愛各復是愛各天地之間生身

耳事無公私理無愛吝者也

知天地之德者孰為盜耶孰為不盜耶

天地之德何耶自然而已自然而已何所歷其公私之名公私之名既廢盜與不盜理無差也

列子卷一

欽定四庫全書薈要卷一萬一千九十五

子部

列子卷二

晉 張湛 注

唐 殷敬順 釋文

黃帝第二

稟生之質謂之性得性之極謂之和故應理處順則所適常通任情背道則遇

物斯
滯

黃帝即位十有五年喜天下戴已

隨世而喜耳 養正命 正當為性

娛耳目供鼻口焦

音焦

然肌

本又作顏色

色疢

古旱反

黜

音每諸書無此

字 昏然五情爽惑

役心智未足以養性命祗足以焦形也

又十有五年憂

天下之不治

隨世而憂耳

竭聰明進

盡音

智力營百姓焦然肌

色肝黥昏然五情爽惑

用德明未足以致治祇足以亂神也

黃帝乃喟然

讚曰

讚當作歎

朕之過淫矣

淫當作深

養一己其患如此治萬物

其患如此

惟任而不養縱而不治則性命自全天下自安也

於是放萬機舍

音捨

宮寢去直侍徹鐘懸減廚膳退而間居大庭之館齊

心服形

心無欲則形自服矣

三月不親政事晝寢而夢

將明至理不可以情

求故寄之於夢

遊於華胥氏之國華胥氏之國在弇

音奄

州之西台州之北

不必便有此國也明至理之必如此耳淮南云正西曰弇州西北曰台州

不知斯齊國幾

居豈反

千萬里

斯離也齊中也

蓋非舟車足力之

所及神游而已

舟車足力形之所資者耳神道恍惚不行而至者也

其國無帥

類所

反長

丁丈反帥長首主也

自然而已其民無嗜欲自然而已

者自然

資於外也

不知樂生不知惡死故無夭殤不知親已不知踈

物故無愛憎不知背

音佩

逆不知向順故無利害

理無生死故無

所樂惡理無愛憎故無所親踈理無逆順故無所利害也

都無所愛惜都無所畏忌

入水不溺入火不熱斫撻

音酌撻打也

無傷痛拍撻

音倜撻也

無

痛癢

餘兩反痛癢謂疼癢也周禮春時有痛首疾夏時有癢疥疾鄭玄云痛酸痛削也說文云痛疼痛痛也○

至和者無物能傷熱溺痛癢實由矜懼義例詳於下章痛癢酸痛也義見周官

垂空如履實寢

虛若處牀雲霧不硌

反五蓋

其視雷霆不亂其聽美惡不

滑其心山谷不躓

音致

其步神行而已

至順者無物能逆也

黃帝

既寤

亦寄之眠寤耳聖人無眠覺也

悟然自得召天老力牧太山稽

音雞

漢書云太山稽黃帝師也。三人黃帝相也

告之曰朕間居三月齋心服形

思有以養身治物之道弗獲其術

身不可養物不可治而精思求之未可得

疲而睡所夢若此今知至道不可以情求矣朕知之矣

朕得之矣而不能以告若矣

不可以情求則不可以情告矣

又二十有

八年天下大治幾若華胥氏之國而帝登假假當作遐百姓

號

戶刀反

之二百餘年不輟列姑射

射音夜

山在海河洲中

見山山上有神人焉

凝寂故稱神人

吸風飲露不食五穀

既不食穀

矣豈復須吸風飲露哉蓋吐納之貌不異於物耳

心如淵

上字讀為深

泉形如處女

盡柔虛之極者其天姿自粹非養而不衰也

不偃

烏恢反愛也

不愛

不偃不愛謂或隱或見山

海經曰北海之隅其人水居偃愛隱偃也字林云偃仿佛見不審也○偃亦愛也窮狗萬物恩無所偏偃音隱

偃仙聖為之臣

仙壽考之跡聖治世之名

不畏不怒原慤為之使

畏威

也若此豈有君臣役使之哉尊卑長短各當其分因此而寄稱耳

不施不惠而物自足

不聚不斂而已無愆

愆本又作蹇去言反○愆蹇乏也

陰陽常調日月

常明四時常若

也若順

風雨常均字育常時年穀常豐而

土無札傷人無天惡物無疵厲鬼無靈響焉

天人合德陰陽順序

昏明有度災害不生故道合二儀契均四時老子曰以道蒞天下者其鬼不神

列子師老商氏

友伯高子進二子之道乘風而歸

莊子云列子御風而行冷然善旬五日而

後反蓋神人禦寇稱之也

尹生聞之從列子居數月不省

息井反舍因

間音間請斲其術者十反而十不告尹生慙

音墜怨也

而請辭

列子又不命尹生退數月意不已又往從之列子曰汝

何去來之頻尹生曰曩章戴

章戴字載則一本作章戴

有請於子

章戴

尹生名

子不我告固有憾於子今復脫然是以又來列子

曰曩吾以汝為達

曩昔也

今汝之鄙至此乎

音居

將告汝

也姬居所學於夫子者矣自吾之事夫子友若人也

謂夫子也

謂伯高

三年之後心不敢念是非口不敢言利害始得

夫子一眄而已

實懷利害而不敢言此匿怨藏情者也故眄之而已

五年之後心

庚念是非口庚言利害

庚當作更

夫子始一解顏而笑

是非利害

世間之常理任心之所念任口之所言而無矜吝於胸懷內外如一不踰於已而不顯哉欣具一致聊寄笑

焉七年之後從

音縱下同

心之所念庚無是非從口之所言

庚無利害夫子始一引吾並席而坐

夫心者何寂然而無意想也口者何

默然而自吐納也若順心之極則無是非任口

九年之

後橫

去聲下同縱放也

心之所念橫口之所言亦不知我之是

非利害歟亦不知彼之是非利害歟亦不知夫子之為

我師若人之為我友內外進矣

心既無念口既無違故能恣其所念縱其所言

體道窮宗為世津梁終日念而非我念終日言而非我言若以無念為念無言為言未造於極也所謂無為而無不為者如斯則彼此之異於何而求而後眼如耳耳師資之義將何所施故曰內外盡矣

如鼻鼻如口無不同也心凝形釋骨肉都融不覺形之

所倚足之所履隨風東西猶木葉幹音乾殼竟不知風垂

我邪我垂風乎

夫眼耳鼻口各有攸司令神凝形廢無待於外則視聽不資眼耳鼻味不賴鼻

口故六藏七孔四肢百節塊然尸居同為一物則形奚所倚足奚所履我之垂風風之垂我孰能辨也今

女居先生之門曾未浹時而懟憾者再三女之片體將

氣所不受汝之一節將地所不載

用其情有其身則肌膚不能相容一體將

無所寄豈二儀之所能覆載

履虛垂風其可幾音翼乎尹生甚怍屏息

良久不敢復言列子問關尹

關令尹喜字公度著書九篇

曰至人潛

行不空

一本作室塞也。○不空者實有也。至人動止不以實有為閔者也。郭象曰：其心虛故能御群實。

也。蹈火不熱，行乎萬物之上而不慄。

向秀曰：天下樂推而不厭，非吾之自

高故不慄者也。

請問何以至於此？關尹曰：是純氣之守也，非智

巧果敢之列。

列音例。○至純至真，即我之性分，非求之於外，慎而不失，則物所不能害。豈智計勇

敢而得冒也。姬

姬音居。

魚語

魚當作吾。

女

女音汝。凡有貌像聲色

者，皆物也。

上至聖人，下及昆蟲，皆形聲之物。與物何以

物以形聲相觀，則無殊絕者也。

相遠

于萬反。

也。

向秀曰：唯無心者獨遠耳。

夫奚足以至乎？先是色而已。

向秀曰：同是形色之物耳，未足以相先也。以相先者，唯自然也。則物之造

音作減，作反注同。

乎？

不形而止乎無所化

有既無始則所造者無形矣形既無終則所止者無化矣造音作

夫得是而窮之者焉

於度反

得為正焉

尋形聲欲窮其終始者亦焉得至極

之所

彼將處乎不深之度

即形色而不求其終始者不失自然之正矣深當作淫

而藏乎無端之紀

至理豈有隱藏哉任而不執故冥然無迹端崖不見

游乎萬物

之所終始

垂理而無心者則常與萬物並遊豈得無終始之迹者乎

壹其性養其氣

一本作真其氣

含其德以通其物之所造

造至也。氣壹德純者豈但自通而已哉

物之所至皆使無闕然

夫若是者其天守全其神無卻

卻音絃

物奚自入焉

自然之分不虧則形神全一憂患奚由而入也

夫醉者之

墜於車也雖疾不死骨節與人同而犯害與人異其神

全也乘

食陵反

亦弗知也墜亦弗知也

此借粗以明至理之必然也

死

生驚懼不入乎其胸是故還

音忤遇也一本作還心不欲見而見曰還於義頗迂

莊子亦作還

物而不怵

怵之涉反○向秀曰遇而不恐也

彼得全於酒而猶

若是

向秀曰醉故失其所知耳非自然無心也

而況得全於天乎

向秀曰得全於天者

自然無心委順至理也

聖人藏於天故物莫之能傷也

郭象曰不闕性分之

外故曰

列禦寇為

干偽反

伯昏無

莫侯反下並同

人射引之盈貫

藏也

盡弦

措杯

必回反

水其肘上

手停審故杯水不傾

發之鎬矢復沓

郭象

曰矢去也箭
鏑去復往背

方矢復寓

郭象曰箭方去未至的以復
寄杯於肘言敏捷之妙也

當

是時也猶象

木偶人形
曰象人

人也伯昏無人曰是射之射

雖盡

射之理而不能
不以矜物也

非不射之射也

忘其能否雖不
射而同乎射也

當與汝

登高山履危石臨百仞之淵若能射乎

內有所畏懼
則失其射矣

於是無人遂登高山履危石臨百仞之淵背逡巡足二

分垂

謂足二分
懸垂在外

在外揖禦寇而進之禦寇伏地汗流至

踵伯昏無人曰夫至人者上闕青天天下潛黃泉揮斥

象郭

云揮斥猶放縱也
人曰揮斥奮迅也

八極神氣不變

夫德充於內則神滿
於外無遠近幽深所

在皆明故審安危之機而泊然自得也

今汝怵

丑律反

然有恂

何承天纂云吳人呼瞬目

為恂目之志爾於中

丁仲反

也殆矣夫

郭象曰不能明至分故有懼而所畏

者多矣豈唯射乎

范氏有子曰子華善養私名

遊俠之徒也

舉國服

之有寵於晉君不仕而居三卿之右目所偏視晉國爵

之口所偏肥

音皮美反按說文字林並作龐又作圉圉皆毀也字從其省音鄙肥薄也

晉國

黜之游其庭者侔於朝子華使其俠客以智鄙相攻彊

弱相凌雖傷破於前不用介意

介界副也稱也

終日夜以此為

戲樂國殆成俗未生子伯范氏之上客出行經垆外

垆

野之

宿於田更商丘開之舍

更當作叟

中夜禾生子伯二人

相與言子華之名勢能使存者亡亡者存富者貧貧者

富商丘開先

悲薦反

窘

奇隕反困也

於飢寒潛於牖北聽之因

假糧荷

胡可反

畚

音本普籠也

之子華之門子華之門徒皆世

族也縞衣乘軒緩步濶

苦括反遠也廣也

視顧見商丘開年老

力弱面目黎黑衣冠不檢莫不眴之

眴奴草反方言云揚越之間凡人相

輕侮以為無知謂之

既而狎侮欺詒

音代方言相欺亦曰詒

攬

輕侮耳日不相信也

推

廣反方言今江東人亦名

揆

推為攬又音晃搥打也

批

批蒲結反方言凡相推搏

揆

烏駭反 枕枕丁感反 方言擊背也一本作抗違拒也○
推也 攬音晃 抗音扶 閉挨音烏 侍枕音都 感切

亡亡音 所不為 商丘開常無愠容而諸客之技單音丹 盡也

億蒲介反 於戲笑遂與商丘開俱乘高臺於衆中漫莫汗

反散 言曰有能自投下者賞百金衆皆競應 商丘開以

為信然遂先投下形若飛鳥一本作飛鳬 揚餘亮反 颺物從風也 於

地 飢音肌 骨無礪音毀 范氏之黨以為偶然未詎怪也因復

扶又 指河曲之淫音深 隈烏恢反 水曲 曰彼中有寶珠 泳

音詠 潛行 可得也 商丘開復從而泳之水底潛 既出果

得珠焉衆昉

昉分兩反或云昉始也

同疑子華昉令豫肉食衣帛

之次俄而范氏之藏大火子華曰若能入火取錦者從所得多少賞若商丘開往無難色入火往還埃不漫身不焦范氏之黨以為有道乃共謝之曰吾不知子之有

道而誕子

誕欺也

吾不知子之神人而辱子子其愚我也

子其聾我也子其盲我也敢問其道商丘開曰吾亡

音無

道雖吾之心亦不知所以雖然有一於此試與子言之曩子二客之宿吾舍也聞譽范氏之勢能使存者亡亡

者存富者貧貧者富吾誠之無二心故不遠而來及來以子黨之言皆實也唯恐誠之之不至行之之不及不知形體之所措利害之所存也心一而已物亡逆者如斯而已今昉知子黨之誕我我內藏猜慮外矜觀聽追幸昔日之不焦溺也怛然內熱惕然震悸矣水火豈復可近哉自此之後范氏門徒路遇乞兒馬醫弗敢辱也必下車而揖之宰我聞之以告仲尼仲尼曰汝弗知乎夫至信之人可以感物也動天地感鬼神橫六合而無

逆者豈但履危險入水火而已哉商丘開信偽物猶不

逆況彼我皆誠哉小子識之周宣王之牧正

養禽獸之長也

有

役人梁鴛者能養野禽獸委

於偽反

食

音嗣下食虎同

於園庭之

內雖虎狼鵙之類無不柔馴者雄雌在前孳

音茲又音字乳

化曰孳交接曰尾

尾

孳尾牡牝相生也

成羣異類雜居不相搏噬

音博逝

也王慮其術終於其身令毛丘園

一本作園魚呂反姓毛名丘園

傳之

梁鴛曰鴛賤役也何術以告爾懼王之謂隱於爾也且

一言我養虎之法凡順之則喜逆之則怒此有血氣者

之性也然喜怒豈妄發哉皆逆之所犯也夫食虎者不

敢以生物與之為

于偽反

其殺之之怒也

恐因殺以致怒

不敢以

全物與之為其碎

一本作決之

之之怒也

恐因其用力致怒

時其饑

飽達其怒心

向秀曰達其心之所以怒而順之也

虎之與人異類而媚養

已者順也

殊性而愛媚我順之故也

故其殺之逆也

所以害物逆其心故

然則

吾豈敢逆之使怒哉亦不順之使喜也夫喜之復也必

怒怒之復也常喜皆不中也

不處中和勢極則反必然之數

今吾心無

逆順者也則鳥獸之視吾猶其儕也故游吾園者不思

高林曠澤寢吾庭者不願深山幽谷理使然也

聖人所
以陶運

羣生使各得其性亦猶役人之
能將養禽獸使不得殘害也

顏回問乎仲尼曰吾嘗

濟乎觴深之淵矣津人操

七刀反
下同

舟若神吾問焉曰操

舟可學邪曰可能游

浮水
曰游

者可教也善游者數

色據反
術也注

同能

向秀曰其數自能也言
其道數必能不懼舟也

乃若夫没人則未嘗見舟

而謾

所六反莊
子作便

操之者也

謾起也向秀曰
能驚沒之人也

吾問焉而不

告敢問何謂也仲尼曰譌

譌音衣與譌
同歎聲也

吾與若玩

五貫
反習

也其文也久矣而未達其實而固且道與

音余。見操
舟之可學則

是玩其文未悟沒者之自能則能游者可教也輕水也是未至其實今且為汝說之也

善游者之數能也忘水也

忘水則無矜畏之心

乃若夫沒人之未嘗

見舟也而謾操之也彼視淵若陵視舟之覆猶其車却

也覆却萬物方陳乎前而不得入其舍

神明所居惡音故謂之舍

往而不暇

所遇皆間暇也

以瓦摳

摳探也以手藏物探而取之亦曰藏摳風土記云臘日飲

祭之後叟姬兒童為藏摳之戲辛氏三秦記云漢鉤弋夫人手拳時人微之因名為藏鉤也摳曰侯反莊子作

摳者巧以鉤

銀銅為之

摳者憚

待汗反

以黃金摳者惛

惛音昏方言迷

殯也曰互有所投者摳郭象曰所要愈重則其心愈矜也

巧一也而有所矜則重外

也凡重外者拱

本作內

唯忘內外遺輕重則無巧拙矣

孔子觀於呂梁

在今彭城郡爾雅曰石絕水曰梁

懸水三十仞流沫三十里黿鼉魚鼈

之所不能游也見一丈夫游之以為有苦而欲死者也

使弟子並流而承

音拯方言出溺為承諸家直作拯又作撻

之數百步而出

被髮行歌而游於棠行

棠當作塘行當作下

孔子從而問之曰呂

梁懸水三十仞流沫三十里黿鼉魚鼈所不能游向吾

見子道之

道當作蹈

以為有苦而欲死者使弟子並流將承

音拯子子出而被髮行歌吾以子為鬼也察子則人也請

問蹈水有道乎曰亡

音無本無此亡字

吾無道吾始乎故長乎

性成乎命與齋俱入與汨

古忽反汨波也郭象云汨伏而涌出者汨也

偕出

齋汨者水迴入涌出之貌

從水之道而不為私焉此吾所以道之也

孔子曰何謂始乎故長乎性成乎命也曰吾生於陵而

安於陵故也

故猶素也任其真素則所遇而安也

長於水而安於水性也

順性之理則物莫之逆也

不知吾所以然而然命也

自然之理不可智知知其不

可知謂之命也

仲尼適楚出於林中見疴

於禹反

樓

音縷疴樓背曲疾也

承蜩

音條一本作蜩蟬也

猶掇

都括反拾也

之也仲尼曰子巧乎有道

邪曰我有道也五六月纍

占纍反

垓

音九司馬云謂纍九於竿頭也

二而

不墜則失者鎔銖

音溜殊

○向秀曰纍二九而不墜是用手之停審也故承蜩所失者不過

鎔銖之間耳

纍三而不墜則失者十一纍五而不墜猶掇之

也

用手轉審則無所失者也

吾處也若槩株駒

槩本或作擲同其月反說文作身木也李

願云槩豎也株駒亦枯樹本也駒音俱○崔譔曰槩株駒斷樹也

吾執臂若槁

空好木反

之枝雖天地之大萬物之多而唯蜩翼之知吾不反不

側不以萬物易蜩之翼何為而不得

郭象曰遺彼故得此也

孔子

顧謂弟子曰用志不分乃疑於神

分猶散意專則與神相似者也

其病

僂丈人之謂乎丈人曰汝逢衣

禮記儒行篇曰丘少居魯衣逢掖之衣長居宋

冠章甫之冠鄭玄注云逢猶大也謂大掖之衣向秀曰儒服寬而長大

徒也亦何知問是

乎修汝所以而後載言其上

修治也言治汝所用仁義之術反於自然之道然後

可載此言於身上也

海上之人有好

呼報反

漚鳥者每旦之海上

從漚鳥游漚鳥之至者百住

音數

而不止

心和而形順者物所不惡住當

作數其父曰吾聞漚鳥皆從汝游汝取來吾玩之明日之

海上漚鳥舞而不下也

心動於內形變於外禽鳥猶覺人理豈可詐哉故曰至

言去

丘呂反

言至為無為齋

在詣反

智之所知則淺矣

言為都忘

然後物無疑心限於智之所知則失之遠矣或有疑丈人假偽形以獲蟬海童任和心而鷗游二情相背而同不忤物夫立言之本各有攸趣似若垂互會歸不異者蓋丈人明夫心慮專一猶能外不駭物況自然冥至形同於木石者乎至於海童誠心克於內坦蕩形於外雖未能利害兩忘猜忌無消然輕羣異類亦無所多怪此二喻者蓋假近以徵遠借末以明本耳

趙襄子率

所律反

徒十萬狩於中山

火畋

藉

在夜反

苒

苒而反

在下曰

燔

燔音煩

林扇赫百

曰狩反

藉

草不剪曰苒

燔

燒也

林扇赫百

里有一人從石壁中出隨煙燼

疾刃反

上

時掌反

下衆謂鬼

物火過徐行而出若無所經涉者襄子怪而留

力救反謂宿留

而視之徐而察之形色七竅人也氣息音聲人也問奚

道而處石奚能而入火其人曰奚物而謂石奚物而謂

火

此則都不覺有石火何物而能閱之

襄子曰而嚮之所出者石也而嚮

之所涉者火也其人曰不知也

不知之極故得如此

魏文侯聞之

問子夏曰彼何人哉子夏曰以商所聞夫子之言和者

大同於物物無得傷閱者游金石蹈水火皆可也文侯

曰吾子奚不為之子夏曰剗

剗音枯

心去智商未之能雖

然試語之有暇矣

夫因心以剗心借智以去智心智之累誠盡然所遺心智之迹猶存明夫

至理非用心之所體忘言之則有餘暇矣

文侯曰夫子奚不為之子夏曰夫

子能之而能不為者也文侯大說

說音悅天下有能之而能不為者有能之

而不能不為者有不能而彊欲為之者有不為而自能者至於聖人亦何所為亦何所不為亦何所能亦何所不能俛仰同俗升降隨物奇功異迹未嘗暫顯體中之絕妙處萬不視一焉此卷自始篇至此章明順性命之道而不係著五情專氣致柔誠心無二者則處水火而不焦溺涉木石而不悸駭觸鋒刃而無傷殘履危險而無巔墜萬物靡逆其心入獸不亂群神能獨遊身能輕舉耳可洞聽目可澈照斯言不輕實駭常心故試論之夫陰陽遞化五才偏育金土以母子相生水火以燥濕相乘人性以靜躁殊途升降以所能異情故有雲飛之翰淵潛之鱗火游之鼠木藏之蟲何者剛柔炎涼各有攸宜安於一域則困於餘方至於聖人心與元氣玄合體與陰陽冥諧方圓不當於一象溫涼不值於一器神定氣和所乘皆順則五物不能逆寒暑不能傷謂舍德

之厚和之至也故常無死地豈用心去就而復有神巫
全哉蹈水火垂雲霧履高危入甲兵未足怪也

男曰覲女曰巫顏師自齊來處於鄭命曰季咸知人死
古曰覲巫亦通稱

生存亡禍福壽夭期以歲月旬日如神鄭人見之皆避

一本而走向秀曰不喜作棄列子見之而心醉向秀曰迷而惑其道也

歸以告壺丘子列子師也曰始吾以夫子之道為至矣則又

有至焉者矣郭象曰謂季咸之至又過於夫子也壺子曰吾與汝無其文

未既其實而固得道與與音余衆雌而無雄而又奚卵焉

向秀曰夫實由文顯道以事彰有道而無事猶有雌無
雄耳今吾與汝雖深淺不同然俱在實位則無文相發

矣故未盡我道之實也此言至人之唱必有感而後和者也

而以道與世抗

抗口浪反或作

元音

必信矣夫故使人得而相

悉亮反

汝

向秀曰元其一

故可得而相也

嘗試與來以予示之明日列子與之見壺子出

而謂列子曰噫

噫音熙

子之先生死矣弗活矣不可以旬

數矣吾見怪焉見濕灰

司馬云氣如濕灰

焉列子入涕泣沾衾

以告壺子壺子曰向吾示之以地文

向秀曰塊然若土也

罪

本作萌

乎不詭

音震

不止

罪或作萌向秀曰萌然不動亦不自止與枯木同其不華死灰均其寂魄此至

人無感之時也夫至人其動也天其靜也地其行也水流其湛也淵嘿淵嘿之與水流天行之與地止其於不

為而自然一也今季咸見其尸居而坐忘即謂之將死見其神動而天隨便為之有生苟無心而應感則與變升降以世為量然後足為物主而是殆見吾杜德幾也向秀順時無極耳豈相者之所覺哉

曰德幾不發故曰杜也

嘗又與來明日又與之見壺子出而謂列

子曰幸矣子之先生遇我也有瘳矣灰然灰或作全有生矣

吾見杜權矣

有用而無利故謂之杜權

列子入告壺子壺子曰向吾

示之以天壤

向秀曰天壤之中覆載之功見矣比地之文不猶外乎

名實不入

向秀

曰任自然而覆載則名利之飾皆為棄物

而機發於踵

許慎注淮南子云機發不旋踵○郭象曰

常在極上起

此為杜權是殆見吾善者幾也

向秀曰有善於彼彼乃見之明

季咸之所見者淺矣 嘗又與來明日又與之見壺子出而謂列子

曰子之先生坐不齋

齋側皆反下同。或無坐字向秀曰無往不平泯然一之以管窺天

者莫見其崖故以不齋也

吾無得而相焉試齋將且復相之列子入

告壺子壺子曰向吾示之以太沖莫朕

向秀曰居太沖之極皓然泊心

玄同萬方莫見其迹

是殆見吾衡氣幾也

也

鯢

鯢音倪

旋

旋音桓云盤桓

也一本作旋謂盤旋也

之潘

音盤本作蟠水之盤回之盤今作潘恐寫之誤

為淵止水之

潘為淵

鯢大魚也桓盤桓也蟠洄流也此言大魚盤桓其水蟠洄而成深泉南華真經作審梁簡文云

蟠聚也

流水之潘為淵濫

咸上聲爾雅云水涌出也

水之潘為淵沃

僕反水泉上溜下也

水之潘為淵沚

音軌水泉從旁出也

水之潘為淵雍

音擁河水決出還復入也

水之潘為淵沂

音牽水之流行也

水之潘為淵肥

水所出異為肥也

水之潘為淵是為九淵焉

此九水名義見爾雅夫水一也而隨

高下夷險有洄激流止之異似至人之心因外物難易有動寂進退之容向秀曰夫水流之與止鯢旋之與龍躍常淵然自若未始失其靜默也郭象曰夫至人用之則行舍之則止雖波流九變治亂紛紜若居其極者常澹然自得泊嘗又與來明日又與之見壺子立未定自

乎無為也

失而走壺子曰追之列子追之而不及反以報壺子曰

已滅矣已失矣吾不及也壺子曰向吾示之以未始出

吾宗

向秀曰雖進退同羣而常深根寧極也

吾與之虛而猗

反於危

移

委移至順

之貌

○向秀曰無心以隨變也

不知其誰何

向秀曰汎然無所係

因以為茅

音靡

崔謨云

因以為波流故逃也

茅靡當為類靡向秀曰變化類靡世事波流無往不

因則為之非我我雖不為而與羣俯仰夫至人一也然應世變而時動故相者無所用其心自失而走者也

然後列子自以為未始學而歸三年不出

向秀曰棄人事之近務也

為

于偽

其妻爨

爨七玩反○向秀曰遺耻辱

食

食音嗣下同

狶

虛豈反楚人呼猪作

狶

如食人

向秀曰忘貴賤也

於事無親

向秀曰無適無莫也

雕琢

持充反一本作

琢

復朴塊然獨以其形立

向秀曰雕琢之文復其真朴則外事去矣

怵

音然紛

而封戎

向秀曰真不散也戎或作哉

壹以是終

向秀曰遂得道也

子列子之

齊中道而反

驚人之推敬於已故不敢遂進

遇伯昏瞀人伯昏瞀人曰

奚方而反曰吾驚焉惡乎驚吾食於十漿

客舍賣漿之家而

五漿先饋

饋求位反餉也人皆敬下之也

伯昏瞀人曰若是則汝何

為驚已曰夫內誠不解

郭象曰外自矜飾內不釋然也

形謀成光

郭象

曰舉動便以外鎮人心

外以矜嚴服物內實不足

使人輕乎貴老

使人

輕而尊長之者由其形謀成光故也

而整

子西反

其所患

郭象曰以美形動物則所患亂至也

夫漿人特為食

食音嗣

羹之貨無多餘之贏

贏音盈一本無無字○所

貨者美食所利者盈餘而已

其為利也薄其為權也輕而猶若是

郭象

曰權輕利薄可無求於人而皆敬已是高下大小無所失者

而況萬乘之主身勞於

國而智盡於事

所以不敢之齊

彼將任我以事而效我以功吾

是以驚

推此類也則貨輕者望利薄任重者責功多

伯昏瞀人曰善者觀乎

汝知驚此者是善觀察者也

汝處已人將保汝矣

汝若默然不自顯曜適齊之與處此

皆無所懼苟違此義所在見保矣

無幾何而往則戶外之屨

屨九遇反關西呼屨

謂之

滿矣

歸之

伯昏瞀人北面而立敦

敦音頓監也

杖屨之

乎願立有間不言而出賓

本作儼導也必忍反

者以告列子列子

提履徒跣而走暨乎門問曰先生既來曾不廢藥乎

廢置

也曾無善言以當藥石也曰已矣吾固告汝曰人將保汝果保汝矣

非汝能使人保汝

順乎理以接物則物不保之今背理而感物求物不保不可得

而汝

不能使人無汝保也

郭象曰任平而化則無感無求無感無求乃不相保

而焉用

之感也

汝用何術乃感物若此乎

感豫出異

郭象曰先物施惠惠不因彼豫出而異者

且

必有感也搖而本身又無謂也

必恒使物感已則與汝彼我之性動易之

與汝

遊者莫汝告也

皆搖本之徒不皆相啓悟也

彼所小言盡人毒也

小言

細巧易以感人故為人毒害也

莫覺莫悟何相孰也

不能相成濟也

楊朱南之

沛老聃西遊於秦邀於郊至梁而遇老子

莊子云楊子居子居或楊

朱之字其人不與老子同時此皆寓言也

老子中道仰天而歎曰始以汝為

可教今不可教也

與至人遊而未能去其矜夸故曰不可教者也

楊朱不答至

舍進涪

涪音管莊子作鹽

漱

漱音瘦巾櫛

壯乙反脫履

本作屨

戶外膝

行而前曰向者夫子仰天而歎曰始以汝為可教今不

可教弟子欲請夫子辭行不問

音問下同

是以不敢今夫子

問矣謂問其過老子曰而睢睢

許唯反

而盱盱

音盱說文云盱仰目

也蒼頡篇云盱張目貌高誘注淮南子云睢盱視聽貌

而誰與居

汝云何自居處而夸張若此使

物故歎之乎

大白若辱盛德若不足

不與物競則常處卑而守約也

楊朱薨

然變容曰敬聞命矣其往也舍者迎將家

客舍也

公執席

妻執巾櫛舍者避席煬

音楊司馬云對火曰煬淮南子云富人水纂錦貧人煬竈口

者避竈

厚自藏異則物憚之也

其反也舍者與之爭席矣

自同於物物所

不惡也

楊朱過

音

宋東之於逆旅逆旅人有妾二人其一

人美其一人惡惡者貴而美者賤楊子問其故逆旅小

子對曰其美者自美吾不知其美也其惡者自惡吾不

知其惡也楊子曰弟子記之行賢而去自賢之行安往

而不愛哉

夫驕盈矜伐鬼神道之所不與虛已以循理天下之所樂推以此而往孰能距之

天

下有常勝之道有不常勝之道常勝之道曰柔常不勝

之道曰彊二者亦知

亦當作易

而人未之知故上古之言彊

先不已若者

所勝在已下者耳

柔先出於已者

不與物競則物不能加也

先

不已若者至於若已則殆矣

遇敵必危之也

先出於已者亡

亡音

無所殆矣

理常安也

以此勝一身若徒以此任天下若徒謂

不勝而自勝不任而自任也

夫體柔虛之道處不競之地雖一身之費天下之大

無心而御之同於徒矣徒空默之謂也郭象曰聽耳之所聞視目之所見知止其所不知能止其所不能用其

自用為其自為順往而不競於物者此至柔之道也
故舉其自舉持其自持既無分銖之重而我無力焉
粥
余六
子曰欲剛必以柔守之欲彊必以弱保之
守柔不
以求剛

而自剛保弱不求彊而自彊
積於柔必剛積於弱必
故剛彊者非欲之所能致也

彊觀其所積以知禍福之鄉
禍福生於
所積也
彊勝不若已至

於若已者剛
必有
折也
柔勝出於已者其力不可量老聃曰

兵彊則滅
王弼曰物之所惡
故必不得終焉
木彊則折
彊極則
毀矣
柔弱者

生之徒堅彊者死之徒狀不必童
童當
作同
而智童智不必

童而狀童聖人取童智而遺童狀衆人近童狀而疏童

智狀與我童者近而愛之狀與我異者疏而畏之有七

尺之骸手足之異戴髮含齒倚而趨者謂之人而人未

必無獸心雖有獸心以狀而見親矣傳音附翼戴角分牙

布爪仰飛伏走謂之禽獸而禽獸未必無人心雖有人

心以狀而見疏矣庖犧氏女媧媧音瓜庖犧女媧皆古天子氏神農

氏夏后氏蛇身人面牛首虎鼻此有非人之狀而有大

聖之德人形貌自有偶與禽獸相似者古諸聖人多有奇表所謂蛇身人面非被鱗臆行無有四支牛

首虎鼻非戴角垂胡曼頸解頤亦如相書龜背鵠步鵠肩鷹喙耳夏桀殷紂魯桓楚穆

狀貌七竅皆同於人而有禽獸之心而衆人守一狀以

求至智未可幾

音翼

也黃帝與炎帝戰於阪

蒲板反

泉之野

帥

音率

熊羆狼豹猛虎為前驅鵬鵠

鵬一本作鵠

鷹鷂為旗幟

幟音熾自熊羆皆猛獸勇鬪者也

此以力使禽獸者也堯使夔典樂擊

石拊石百獸率舞簫韶九成鳳皇來儀此以聲致禽獸

者也然則禽獸之心奚為異人形音與人異而不知接

之之道焉聖人無所不知無所不通故得引而使之焉

禽獸之智有自然與人童者其齊欲攝生亦不暇智於

人也牝牡相偶母子相親避平依險違寒就溫居則有

羣行

戶剛反

則有列小者居內壯者居外飲則相攜食則

鳴羣太古之時則與人同處與人並行

德純者禽獸不思也

帝王

之時始驚駭散亂矣逮於末世隱伏逃竄以避患害

人有

害物之心物亦知避之也

今東方介氏之國其國人數數

音解

解六畜

朽又之語者蓋偏知之所得

夫龜龍甲鱗之宗麟鳳毛羽之長爰逮蛸飛蠕動皆

鳴呼相聞各有意趣共相制御豈異於人但人不能解
因謂禽獸之聲無有音章是以窮理備智則所通萬達
因事偏達偶識一條春秋左氏傳曰介
葛盧聞牛鳴曰是生四子盡為犧矣

太古神聖之人

備知萬物情態悉解異類音聲會而聚之訓而受之同

於人民故先會鬼神魑魅

禹朝羣神於會稽是也

次達八方人民

未聚禽獸蟲蛾

爾雅云有足曰蟲無足曰蛾一本作出蟻。百獸率舞是也

言血氣

之類心智不殊遠也神聖知其如此故其所教訓者無

所遺逸焉宋有狙公者

好養猿猴者因謂之狙公也

愛狙養之成羣

能解狙之意狙亦得公之心損其家口充狙之欲俄而

墮焉將限其食恐衆狙之不馴於己也

馴音唇

先誑之曰

與若芋

音序芋栗也

朝三而暮四足乎衆狙皆起而怒俄而

曰與若芋朝四而暮三足乎衆狙皆伏而喜物之以能

鄙相籠皆猶此也聖人以智籠羣愚亦猶狙公之以智

籠衆狙也名實不虧使其喜怒哉紀消

姓紀名消或作消

子為

于偽反

周宣王養鬪雞十日而問雞可鬪已乎曰未也方

虛驕而恃氣

無實而自矜者

十日又問曰未也猶應影嚮

李頌云應

響鳴顧影行

十日又問曰未也猶疾視而盛氣

常求敵而必已

○接悟之速

之十日又問曰幾矣雞雖有鳴者已無變矣

彼命敵而我不應忘

勝負望之似木雞矣其德全矣

至全者更不似血氣之類

異雞無敢

應者反走耳

德全者非但已無心乃使外物不生心邪象曰養之以至於全者猶無敵於外況自

全惠盍

阿浪反○惠盍施之族

見

賢遍反

宗康王康王蹠足謦欬疾

言曰寡人之所說者勇有力也不說為仁義者也客將

何以教寡人惠盍對曰臣有道於此使人雖勇刺

七亦反

之不入雖有力擊之弗中

丁仲反下同

大王獨無意邪宗王

曰善此寡人之所欲聞也惠盍曰夫刺之不入擊之不

中此猶辱也臣有道於此使人雖有勇弗敢刺雖有力

弗敢擊夫弗敢非無其志也臣有道於此使人本無其

志也夫無其志也未有愛利之心也臣有道於此使天下丈夫女子莫不驩然皆欲愛利之此其賢於勇有力也四累之上也大王獨無意邪

處卿大夫士民之上故言四累也

宋王

曰此寡人之所欲得也惠盎對曰孔墨是已孔丘墨翟無地而為君無官而為長天下丈夫女子莫不延頸舉踵而願安利之今大王萬乘之主也誠有其志則四竟之內皆得其利矣其賢於孔墨也遠矣宋王無以應惠盎趨而出宋王謂左右曰辯矣客之以說服寡人也

列子卷二

欽定四庫全書蒼要卷一萬一千九十六

子部

列子卷三

晉 張湛 注

唐 殷敬順 釋文

周穆王第三

夫稟生受有謂之形俛仰變異謂之化神之所交謂之夢形之所接謂之

覺原其極也同歸虛偽何者生質根滯百年乃終化情枝淺視瞬而滅神道恍惚若存若亡形理顯著若誠若實故洞監知生滅之理均覺夢之塗一雖萬變交陳未闢神慮愚惑者以顯昧為成驗遲速而致疑故竊然而自私以形骸為真宅孰識生化之本歸之於無物哉

周穆王

名滿昭王子也

時西極之國有化人來

化人

入水火貫

金石反山川移城邑垂虛不墜觸實不礙

礙

音

千變萬

化不可窮極既已變物之形又且易人之慮

能使人暫

忘其宿所

識穆王敬之若神事之若君推路寢以居之引三牲以

進之選女樂以娛之化人以為王之宮室卑陋而不可

處王之厨饌腥蝼而不可饗

蝼蛄臭也

王之嬪御臙惡而不

可親穆王乃為之改築土木之功赭

赭音者赤色

堊

音惡白土也

之色無遺巧焉五府

周禮太府掌九貢九職之貨賄玉府掌金玉玩好內府主良貨賄外

府主泉藏膳府主四時食物者也

為虛而臺始成其高千仞臨終南山

名

在京之上號曰中天之臺簡鄭衛之處子娥媚媚音茅靡

曼者

娥媚妖好也靡曼柔弱也

施芳澤正蛾眉設笄珥

珥音餌瑱也冕上垂玉以

塞耳

○笄首飾珥瑱也

衣

於既反

阿錫

阿細穀錫細布

曳

曳音裔

齊紈

齊名紈所出也

粉白黛黑珮玉環雜芷若

芷若香草

以滿之

充滿臺館

奏承雲六

瑩九韶晨露以樂之

承雲黃帝樂六瑩帝嚳樂九韶舜樂晨露湯樂

日月獻王

衣旦旦薦玉食

言其珍異

化人猶不舍然不得已而臨之居

亡幾何謁王同游王執化人之祛

音墟○祛衣袖也

騰而上者

中天迺止暨及化人之宮化人之宮構以金銀絡以珠

玉出雲雨之上而不知下之據望之若屯雲焉耳目所

觀聽鼻口所納嘗皆非人間之有王實以為清都紫微

鈞天廣樂帝之所居

清都紫微天帝之所居也傳記云秦穆公疾不知人既寤曰我之帝

所甚樂與百神游鈞天廣樂九奏萬舞不類王俯而視

三代之樂其聲動心一說云趙簡子亦然也

之其宮榭若累塊積蘇樵也焉王自以居數十年不思其

國也

所謂易人之慮也

化人復謁王同游所及之處仰不見日

月俯不見河海光影所照王目眩不能得視音響所來

王耳亂不能得聽百骸六藏悸而不凝意迷精喪請化

人求還

太虛恍惚之域固非俗人之所涉心目亂惑自然之數也

化人移之

移猶推也王

若碩虛焉

碩墜也

既寤所坐猶嚮者之處侍御猶嚮者之

人視其前則酒未清肴未睇

扶貴反

王問所從來左右曰

王默存耳由此穆王自失者三月而復更問化人

問其形不

移之化人曰吾與王神游也形奚動哉

所謂神者不疾而速不行而至

以近事喻之假寐一昔所夢或百年之事所見或絕域之物具在覺也俛仰之須臾再撫六合之外邪思淫念猶得如此况神心獨運不假形器圓通玄照寂然凝虛者乎且曩之所居奚異王之

宮曩之所游奚異王之圃王問

問音

恒

謂言其常存也一本無有字

疑斃亡

存疑其暫亡者心之感也

變化之極徐疾之

間可盡模哉

變化不可窮極徐疾理亦無間欲以智尋象模未可測

王大悅不恤

國事不樂臣妾

感至言故遺世事之治亂忘君臣之尊卑也

肆意遠游命駕

八駿之乘右服

古驂字

騶而左綠耳右驂赤驥而左白

縶

史記曰造父為穆王得驂騶赤驥白獵之馬御以進巡往見西王母樂而忘歸與穆天子傳畧同郭璞注

云皆毛色以為名也後有渠黃踰輪盜驪山子為八駿

縶古獵字主車則造父為御

音秦篆

商

商音丙石經作𠂔字林云隱作西○上齊下合此古字未審

為右

淮南子云鉗且

秦內之御也除唐街棄鞭策高誘云皆古之得道善御也鉗其炎反且子余反

次車之乘右服

渠黃而左踰輪左驂盜驪

驪力移反盜驪即荀子之纖離者也

而右山子

柏夭

郭璞云柏夭人姓名

主車參百為御奔戎為右馳驅千里至

于巨蒐

搜西戎國名

氏之國巨蒐氏乃獻白鵠之血以飲王

具牛馬之漣

竹用反

以洗王之足

漣乳也以已所珍貴獻之至尊

及二乘

實證

之人已飲而行遂宿崑崙

崑崙音昆論

之阿赤水之陽

山海經曰流沙之濱赤水之後黑水之前有大山名崑崙之丘有人穴處名曰西王母。山海經云崑崙山有

五色水也

別日升崑崙之丘以觀黃帝之宮

陸賈新語云黃帝巡游四海登

崑崙山起宮望於其上

而封之以詔後世遂賓於西王母

河圖玉版云西

王母居崑崙山紀年云穆王十
七年西征見西王母賓于昭宮
觴于瑤池之上西王母人類也

虎齒蓬髮戴勝善
嘯也出山海經
西王母為王謠徒歌曰謠詩名白雲王和之和答

也詩名其辭哀焉迺觀日之所入穆天子傳云西登弇山一日行

萬里王乃歎曰於乎於乎音嗚呼又作乎予一人不盈于德而諧

於樂諧辨後世其追數色句反責也吾過乎自此已上至命駕八駿之乘事見穆

天子傳穆王幾幾音神人哉言非神也能窮當身之樂猶百年

乃徂知世事無常故肆其心也世以為登假假音焉假字當作遐世以為登遐明其

實死也
老成子學幻於尹文先生三年不告老成子請其

過而求退尹文先生揖而進之於室屏

必郢反

左右而與

之言曰昔老聃之徂西也顧而告予曰有生之氣有形之狀盡幻也造化之所始陰陽之所變者謂之生謂之

死窮數達變因形移易者謂之化謂之幻

窮二儀之數握陰陽之紀

者陶運萬形不覺其難也

造物者其巧妙其功深固難窮難終

造物者豈

有心哉自然似妙耳夫氣質憤薄結而成形隨化而往故未即消滅也

因形者其巧顯其

功淺故隨起隨滅

假物而為變草者與成形而推移故暫生暫沒功顯事著故物皆駭知

幻化之不異生死也始可與學幻矣

注篇目已詳其義

吾與汝

亦幻也奚須學哉

身則是幻而復欲學幻則是幻幻相學也

老成子歸用尹

文先生之言深思三月遂能存亡自在懽校

音絞顧野王讀作翻

交四時

四時冬起雷夏造冰飛者走走者飛

深思一時猶得其道況不

思而自得者乎夫生必由理形必由生未有有生而無理有形而無生生之與形形之與理雖精麤不同而迭為賓主往復流遷未始暫停是以變動不居或聚或散撫之有倫則功潛而事著修之失度則跡顯而變彰今四時之令或乖則三辰錯序雷冰反用器物蒸燂則飛鍊雲沙以成冰頃得之於常衆所不疑推此類也盡陰陽之妙數極萬物之情者則陶鑄羣有與造化同功矣若夫偏達數術以氣質相引俛仰則一出一沒顧盼則飛走易形蓋終身不著其術故世莫傳焉

日用而百姓不知聖人之

道也顯奇以駭一
世常人之事耳
子列子曰善為化者其道密庸其功

同人

取濟世安物而已故其功潛著而人莫知焉

五帝之德三王之功未必

盡智勇之力或由化而成熟測之哉

帝王之功德世為之名非所以為帝

王也揖讓干戈果是所假之塗亦奚為而不覺覺音有假幻化哉但駭世之迹聖人密用而不顯焉

八徵夢有六候

徵驗也候占也六夢之占義見周官

奚謂八徵一曰故

故事

二曰為

為作也

三曰得四曰喪五曰哀六曰樂七曰生八

曰死此者八徵形所接也奚為六候一曰正夢

平居自夢

曰噩

噩音愕

夢

周官注云噩當為驚愕之愕謂驚愕而夢

三曰思夢

因思念而夢

四

曰寤夢

覺時道之而夢

五曰喜夢

因喜悅而夢

六曰懼夢

因恐怖而夢

此

六者神所交也

此一章大旨亦明覺夢不異者也

不識感變之所起者

事至則惑其所由然識感變之所起者事至則知其所

由然知其所由然則無所怛

怛下達反夫變化云為皆有因而然事以未來而不

尋其本者莫不致惑言識所由

一體之盈虛消息皆通

於天地應於物類

人與陰陽通氣身與天地並形吉凶往復不得不相關通也

故陰

氣壯則夢涉大水而恐懼

失其中和則濡溺恐懼也

陽氣壯則夢涉

大火而燔燭

燭如悅反火性猛烈逼則燔燭也

陰陽俱壯則夢生殺

陰陽

以和為用者也。抗則自甚飽則夢與甚饑則夢取。有餘故欲

相利害故或生或殺也。施不足故欲取此。是以以浮虛為疾者則夢揚以沉實。亦與覺相類也

為疾者則夢溺藉帶而寢則夢蛇飛鳥銜髮則夢飛。此

物類致感將陰夢火將疾夢食飲酒者憂歌僂者哭。此皆明夢或因

事致感或造極相反即周子列子曰神遇為夢形接為禮。六夢六義理無妄然

事。莊子曰其夢也神故晝想夜夢神形所遇。此想為覺時有情慮

之事非如世間常語晝日故神凝者想夢自消。晝無情念夜無

想有此事而後隨而夢也。信覺不語信夢不達物化之來往者也。夢為鳥而厲於天夢為魚

而潛於淵此
情化往復也

古之真人其覺自忘其寢不夢幾

幾音出

虛

語哉

真人無往不忘乃當不眠何夢之有此亦寓言以明怪也

西極之南隅有國焉

不知境界之所接名古莽之國陰陽之氣所不交故寒

暑亡

亡音無下同

辨日月之光所不照故晝夜亡辨其民不

食不衣而多眠五旬一覺以夢中所為者實覺之所見

者妄四海之齊謂中央之國

即今四海之內

跨河南北越岱東

西萬有餘里其陰陽之審度故一寒一暑昏明之分察

故一晝一夜其民有智有愚萬物滋殖才藝多方有君

臣相臨禮法相持其所云為不可稱計一覺一寐以為

覺之所為者實夢之所見者妄東極之北隅有國曰阜

婦阜音落之國其土氣常燠燠音日月餘光之照其土不

生嘉苗其民食草根木實不知火食性剛悍彊弱相藉

陵藉音貴勝而不尚義多馳步少休息常覺而不眠方俗之異

猶覺夢反用動寢殊性各適一方未足相非者也周之尹氏大治治音產其下

趣趣音走役者侵晨昏而弗息有老役夫筋力竭矣而

使之彌勤晝則呻呼呻呼音申而即事夜則昏憊而熟

寐精神荒散昔昔

也夜

夢為國君居人民之上總一國

之事遊燕宮觀恣意所欲其樂無比覺則復役人有慰

喻其勲者役夫曰人生百年晝夜各分

也分半

吾晝為僕

虜苦則苦矣夜為人君其樂無比何所怨哉尹氏心營

世事慮鍾家業心形俱疲夜亦昏憊而寐昔昔夢為人

僕趨走作役無不為也數罵杖撻無不至也眠中

呻吟

反

呻吟音詣吟呻吟吟並寤語也

呻吟呼徹旦息焉尹氏病之以訪其

友友曰若位足榮身資財有餘勝人遠矣夜夢為僕苦

逸之復數之常也

夫盛衰相襲樂極哀生故覺之所美夢或惡焉

若欲覺夢兼

之豈可得邪尹氏聞其友言寬其役夫之程減已思慮

之事疾並少間

病差也○此章亦明覺夢不異若樂各適一方則役夫懃於晝而逸於夜尹氏

榮於晝而辱於夜理苟不兼未足相誇也

鄭人有薪於野者遇駭鹿御

音迓迎也

而擊之斃之恐人見之也遽而藏諸隍

無水池也

中覆之以

蕉

與樵同

不勝其喜俄而遺其所藏之處遂以為夢焉順

塗而詠其事傍人有聞者用其言而取之既歸告其室

人曰向薪者夢得鹿而不知其處吾今得之彼直真夢

者矣室人曰若將是夢見薪者之得鹿邪詎有薪者耶

今真得鹿是若之夢真耶夫曰吾據得鹿何用知彼夢

我夢邪薪者之歸不厭

厭音愜又於艷反

失鹿其夜真夢藏之

之處又夢得之之主爽旦案所夢而尋得之遂訟而爭

之歸之士師

掌五禁之法者

士師曰若初真得鹿妄謂之夢真

夢得鹿妄謂之實被真取若鹿而與若爭鹿室人又謂

夢認人鹿無人得鹿今據有此鹿請二分之一以聞鄭君

鄭君曰嘻士師將復夢分人鹿乎訪之國相國相曰夢

與不夢臣所不能辨也欲辨覺夢唯黃帝孔丘

聖人之辨覺夢

何邪直知今亡

亡音無

黃帝孔丘孰辨之哉且恂士師之

其不異耳

言可也

恂信也音荀因喜怒而迷惑猶不復辨覺夢之虛實況本無覺夢也

宗陽里華

胡化

反子中年病忘

忘音望

朝取而夕忘夕與而朝忘在塗則

忘行在室則忘坐今不識先後不識今闔室毒之謁史

而卜之弗占謁巫而禱之弗禁謁醫而攻之弗已魯有

儒生自媒能治之華子之妻子以居產之半請其方儒

生曰此固非卦兆之所占

夫機理萌於彼著龜感於此故吉凶可因卦兆而推情慝

可假象數而尋今忘者之心泊爾鈞於死灰廓焉非祈
同乎府宅聖人將無所容其鑒豈卦兆之所占

請之所禱

夫信順之可以祈福虔正誠之可以消邪偽自然之勢也故負愧於神明致怨於人理者

莫不因茲以自極至於情無專惑

非藥石之所攻

疾痼結於

府藏疾病散於肌體者必假脉診以察其盈虛投藥石
以攻其所苦若心非嗜欲所亂病非寒暑所傷則醫師
之用宜其廢也

吾試化其心變其慮庶幾其廖乎

大忘者都無心慮將何所

化此義自云易令有心反
令有慮蓋亂有左右耳

於是試露之而求衣饑之而

求食幽之而求明

先奪其攻已之物以試之

儒生欣然告其子曰疾

可已也然吾之方密傳世不以告人試屏左右獨與居

室七日從之莫知其所施為也

儒者之多方固非一塗所驗也

而積年

之疾一朝都除

上句云使巫醫術之所絕思而儒生獨能已其所病者先引華子之忘同於自

然以明無心之極非數術而得復推儒生之功有過史巫者明理不冥足則可以多方相誘又欲令忘者之悟知曩之忘懷實

幾乎至理也

華子既悟迺大怒黜妻罰子操戈逐儒

生宗人執而問其以華子曰曩吾忘也蕩蕩然不覺天

地之有無今頓識既往數十年來存亡得失哀樂好惡

擾擾萬緒起矣吾恐將來之存亡得失哀樂好惡之亂

吾心如此也須臾之忘可復得乎

疾病與至理相似者猶能若斯况體極乎

子貢聞而怪之以告孔子孔子曰此非汝所及乎顧謂

顏回紀之

此理亦當是賜之所逮所以抑之者欲寄妙賞於大賢耳

秦人逢

逢音氏

有子少而惠及壯而有迷罔之疾

惠非迷也而用惠之弊必之於迷焉

聞

歌以為哭視白以為黑饗香以為朽

月令曰其臭朽

常甘以為

苦行非以為是意之所之天地四方水火寒暑無不倒

錯者焉楊氏告其父曰魯之君子多術藝將能已乎汝

奚不訪焉其父之魯過陳遇老聃因告其子之證老聃

曰汝庸知汝子之迷乎今天下之人皆惑於是非昏於

利害同疾者多固莫有覺者且一身之迷不足傾一家

一家之迷不足傾一鄉一鄉之迷不足傾一國一國之

迷不足傾天下天下盡迷孰傾之哉向使天下之人其

心盡如汝子汝則反迷矣哀樂聲色臭味是非孰能正

之且吾之言未必非迷而况魯之君子迷之郵者

魯之君子

盛稱仁義明言是非焉能解人之迷哉榮汝之糧不若

故曰迷之郵者也

端歸也

榮棄也此章明是非之理未可全定皆衆寡相傾以成辨爭也

燕人生於燕長

張文反於楚及老而還本國過晉國同行者誑之指城曰

此燕國之城其人愀

七小反

然變容指社曰此若里之社

乃喟然而歎指舍曰此若先人之廬乃涓

涓音玄胡胡二反

然而泣指壠曰此若先人之冢其人哭不自禁

金禁音同

行者啞

烏陌反

然大笑曰予昔給

給音待欺也

若此晉國耳其

人大慙及至燕真見燕國之城社真見先人之廬冢悲

心更微

少也作徹者誤。此章明情有一至哀樂既過則向之所感皆無欣戚者也

列子卷三

欽定四庫全書薈要卷一萬一千九十七

子部

列子卷四

晉張湛注

唐殷敬順釋文

仲尼第四

智者不知而自知者也忘智故無所知用智則無所能知體神而獨運忘情而

任理則寂然
玄照者也

仲尼閒

閒音開

居子貢入侍而有憂色子貢不敢問

子貢雖不

及性與天道至於夫子文章究聞之矣聖人之無憂常
流所不及況於賜哉所以不敢問者將發明至理推起
余於大賢然後
微言乃宣耳

出告顏回顏回援琴而歌孔子聞之果

召回入問曰若奚獨樂回曰夫子奚獨憂

回不言欲宣問故弦歌以

激發夫子之言也

孔子曰先言爾志曰吾昔聞之夫子曰樂天

知命故不憂回所以樂也

天者自然之分命者窮達之數也

孔子愀

七小

反然有間

愀然憂色少時

曰有是言哉

將明此言之不至故亦有疑問之色

汝之

意失矣此吾昔日之言爾請以今言為正也

昔日之言因事而興

今之所明盡其極也

汝徒知樂天知命之無憂未知樂天知命有

憂之大也

無所不知無所不樂無所不憂故曰大也

今告若其實修一身任

窮達知去來之非我亡變亂於心慮爾之所謂樂天知

命之無憂也

此直能定內外之分辨榮辱之境如斯而已豈能無可無不可歟

曩吾脩

詩書正禮樂將以治天下遺

唯季反

來世

詩書禮樂治世之具聖人因而

用之以救一時之弊用非但修一身治魯國而已

夫聖人智

失其道則無益於理也

周萬物道濟天下若安一身救一國非所以為聖也而魯之君臣日失其序仁義

益衰情性益薄此道不行一國與當年其如天下與來

世矣

治世之術實須仁義世既治矣則所用之術宜廢若會盡事終執而不舍則情之者寡而利之者衆

衰薄之始誠由於此以一國而觀天下當今而觀來世致弊豈異唯圖通無閤者能唯變所適不滯一方吾

始知詩書禮樂無救於治亂而未知所以革之之方此

樂天知命者之所憂

唯棄禮樂之失不棄禮樂之用禮樂故不可棄故曰未知所以草之

之方而引此以為憂者將為下義張本故先有此言耳

雖然吾得之矣夫樂而知

者非古人之謂所樂知也

莊子曰樂窮通物非聖人故古人不以無樂為樂亦不以

無知為知任其所樂則理自無知無樂任其所知則理自無知

無樂無知是真樂真知

都

所樂都無所知則能樂天下之樂知天下之知而我無心者也

故無所不樂無所不知

無所不憂無所不為

居宗體備故能無為而無不為也

詩書禮樂何棄

之有草之何為

若欲捐詩書易治術者豈救弊之道即而不去為而不恃物自全矣

顏回

北面拜手曰回亦得之矣

所謂不違如愚者也

出告子貢子貢茫

然自失

未能盡符至言故遂至自失也

歸家淫思七日不寢不食以至

骨立

發憤思道忘眠食也

顏回重往喻之乃反丘門弦歌誦書終

身不輟

既悟至理則亡餘事

陳大夫聘魯私見叔孫氏叔孫曰吾

國有聖人曰非孔丘耶曰是也何以知其聖乎

至哉此問夫聖

人之道絕於群智之表萬物所不聞擬見其會通之迹因謂之聖耳豈識所以聖也

叔孫氏曰吾

常聞之顏回

至哉此答自非體二備形者何能言其髣髴瞻其先後乎以顏子之量猶不能為其

稱謂況下斯者乎

曰孔丘能廢心而用形

此顏回之辭夫聖人既無所廢亦無所用

廢用之稱亦因事而生耳故俯仰萬機對接世務皆形迹之事耳冥絕而灰寂者固泊然而不動矣陳大

夫曰吾國亦有聖人子弗知乎曰聖人孰謂曰老聃之

弟子有亢倉子

音庚桑名楚史記作亢倉子賈逵姓氏英覽云吳郡有唐桑姓稱為七族者

得聃之道

老聃猶不言自得其道亢倉於何得之蓋能寄得名以明至理之不絕於物理者耳

以耳視而目聽

夫形質者心智之室宇耳目者視聽之戶牖神苟撤焉則視聽不因戶牖照察

不闕牆壁耳

魯侯聞之大驚

不怪仲尼之用形不怪耳目之易任迹同於物故物無駭心

使上卿厚禮而致之亢倉子應聘而至

汎然無心者無東西之非已

魯侯卑辭請問之亢倉子曰傳之者妄我能視聽不用

耳目不能易耳目之用

夫易耳目之用者未是都無所用都無所用者則所假之器廢

也魯侯曰此增異矣其道奈何寡人終願聞之亢倉子

曰我體合於心

此形智不相違者也

心合於氣

此又遠其形智之用任其泊然之氣

也氣合於神

此寂然不動都忘其智智而都忘則神理獨運感無不通矣

神合於無

同無則神矣同神則無矣二者豈有形乎直有其智其者不得不親無以自通忘其心者則與無而為一也

有介然之有唯

唯癸反

然之音雖遠在八荒之外近在眉

睫之內來于我者我必知之

唯豁然之無不干聖慮耳涉於有分神明所照不以

遠近為差也

乃不知是我七孔四支之所覺心腹六藏之所

知其自知而已矣

所適都忘豈復覺知之至耶

魯侯大悅他日以告

仲尼仲尼笑而不答

亢倉言之盡矣仲尼將何所云今以不答為答故寄之一笑也商

太宰

商宗國也宗都商丘故二名焉太宰官名

見孔子曰丘聖者歟孔子曰

聖則丘何敢

世之所謂聖者據其迹耳豈知所以聖所以不聖者哉

然則丘博學

多識者也

示現博學多識耳實無所學實無所識也

商太宰曰三王聖者歟

孔子曰三王善任智勇者聖則丘不知曰五帝聖者歟

孔子曰五帝善任仁義者聖則丘弗知曰三皇聖者歟

孔子曰三皇善任因時者聖則丘弗知

夫孔丘之博學湯武之干戈堯

舜之揖讓義農之簡朴此皆聖人因世應務之麓迹非所以為聖者所以為聖者固非言迹之所逮者也商

太宰大駭

世之所謂聖者孔子皆云非聖商太宰所以大駭也

曰然則孰者為聖

孔子動容有間曰西方之人

聖豈有定所哉趣舉絕遠而言之也

有聖者

焉不治而不亂

故不以治治之不可亂也

不言而自信

言者不信

不化而

自行

為者則不能化此能盡無為之極也

蕩蕩乎民無能名焉

何晏無名論曰為民

所譽則有名者也無譽無名者也若夫聖人名無名譽無譽謂無名為道無譽為大則夫無名者可以言有名矣無譽者可以言有譽矣然與夫可譽可名者豈同用哉此比於無所有故皆有所有矣而於有所有之中當與無所有相從而與夫有所有者不同同類無遠而相應異類無近而不相違譬如陰中之陽陽中之陰各以物類自相求從夏日為陽而夕夜遠與冬日共為陰冬日為陰而朝晝遠與夏日同為陽皆異於近而同於遠

也詳此異同而後無名之論可知矣凡所以至於此者何哉夫道者惟無所有者也自天地以來皆有所有矣然猶謂之道者以其能復用無所有也故雖處有名之域而沒其無名之象由以在陽之遠體而忘其自有陰之遠類也夏侯玄曰天地以自然運聖人以自然用自然者道也道本無名故老子曰彊為之名仲尼稱堯蕩蕩無能名焉下云巍巍成功則彊為之名取世所知而稱耳豈有名而更當云無能名焉者邪夫惟無名故可得徧以天下之名名之然豈其名也哉惟此是喻丘疑而終莫悟是觀泰山崇崛而謂元氣不浩茫者也

其為聖弗知真為聖歟真不聖歟

聖理冥絕故不可擬言唯疑之者也

商

太宰嘿然心計曰孔丘欺我哉

此非常識所及故以為欺罔也

子夏問

孔子曰顏回之為人奚若子曰回之仁賢於丘也曰子

貢之為人奚若子曰賜之辨賢於丘也曰子路之為人

奚若子曰由之勇賢於丘也曰子張之為人奚若子曰

師之莊賢於丘也

猶務莊

子夏避席而問曰然則四子者

何為事夫子曰居吾語汝夫回能仁而不能反

反變也夫守一

而不變無權智以應物則所適必闕矣

賜能辨而不能訥由能勇而不能

怯師能莊而不能同

辨而不能訥必虧忠信之實勇而不能怯必傷仁恕之道莊而不能

同有違和光之義此皆滯於一方也

兼四子之有以易吾吾弗許也

四子各是

一行之極設使兼而有之求變易吾之道非所許

此其所以事吾而不貳

貳疑也

也會同要當寄之於聖人故欲罷而不能也子列子既師壺丘子林日損友

伯昏瞿莫侯反人乃居南郭從之處者日數色主反而不及

來者相尋雖復日日料簡猶不及盡也雖然子列子亦微焉列子亦自不知其數也

朝朝相與辨無不聞師徒相與講肄聞於遠近而與南郭子連牆二

十年不相謁請其道玄合故至老不相往來也相遇於道目若不相見

者道存則視廢也門之徒役以為子列子與南郭子有敵不疑

敵有自楚來者問子列子曰先生與南郭子奚敵子列

子曰南郭子貌充心虛耳無聞目無見口無言心無知

形無惕往將奚為

充猶全也心虛則形全矣故耳不惑聲目不滯色口不擇言心不用知內

外冥一則形無震動也

雖然試與汝偕往閱

閱音悅

弟子四十人同

行

此行也宣復簡優劣計長短數有四十故直而計之也

見南郭子果若欺魄焉

魄片各反字書作欺顛大面醜也顛片各反

而不可與接

欺魄上人也一說云欺顛神凝形喪

外物不能得闕之

顧視子列子形神不相偶而不可與羣

神役形者

也心無思慮則貌無動用故似不相攝御宣物所得羣也

南郭子俄而指子列子之

弟子末行

戶郎反

者與言

偶在末行非有貴賤之位遇感而應非有心於物也

衍衍

然若專直而在

一本作存

雄者

夫理至者無言及其有言則彼我之辨生矣聖人對接俯

仰自同於物故觀其形者似求是而尚勝也

子列子之徒駭之

見其尸居則自同土木見

其接物則若有是非所以驚

反舍咸有疑色

欲發列子之言

子列子曰得意

者無言進

進音盡

知者亦無言

窮理體極故言意無忘

用無言為言

亦言無知為知亦知

方欲以無言廢言無知遣知希言傍宗之徒固未免於言知也

無

言與不言無知與不知亦言亦知

比方亦復欲全自然處無言無知之域此

即復是遣無所遣知無所知遣無所遣者未能離遣知無所知者曷嘗忘知固非自然而忘言知也

亦無

所不言亦無所不知亦無所言亦無所知

夫無言者有言之宗也無

知者有知之主也至人之心豁然洞虛應物而言而非我言即物而知而非我知故終日不言而無玄默之稱

終日用知而無役慮之名故
得無所不言無所不知也
如斯而已汝奚妄駭哉

悟不

至妙之所會者更麗至高之所適者反下而便
怪其應寂之異容動止之殊貌非妄驚如何
子列子

學也

上章云列子學乘風之道

三年之後心不敢念是非口不敢言

利害始得老商一眄而已五年之後心更念是非口更

言利害老商始一解顏而笑七年之後從

縱從音

心之所

念更無是非從口之所言更無利害夫子始一引吾並

席而坐

眄笑並坐似若有褒貶昇降之情夫聖人之心應事而感以外物少多為度豈定於一方哉

九年之後橫心之所念橫口之所言亦不知我之是非

利害歟亦不知彼之是非利害歟外內進進音矣而後

眼如耳耳如鼻鼻如口口無不同心凝形釋骨肉都融

不覺形之所倚足之所履心之所念言之所藏如斯而

已則理無所隱矣黃帝篇已有此章釋之詳矣所以重出者先明得性之極則無變化而無

窮後明順心之理則無幽而不照二章雙出各有攸趣可不察哉初子列子好游壺丘

子曰禦寇好游游何所好列子曰游之樂所玩無故言所

適常人之游也觀其所見我之游也觀之所變人謂凡

也惟觀榮悴殊觀以為休戚未覺與化俱往勢不暫停游乎游乎未有能辨其游

者人與列子游則同所以游則異故曰游乎游乎明二觀之不同也未有辨之者言知之者鮮壺丘

子曰禦寇之遊固與人同歟而曰固與人異歟凡所見

亦恒見其變苟無變停之處則今之所見常非向之所見則觀所以見觀所以變無以為異者也

玩彼物之無故不知我亦無故與彼之與我與化俱往務外游不知

務內觀外游者求備於物內觀者取足於身取足於身

游之至也求備於物游之不至也人雖七尺之形而天地之理備矣故首圓

足方取象二儀鼻隆口窾比象山谷肌肉連於土壤血脉屬於川瀆溫蒸同乎炎火氣息不異風雲內觀諸色

靡有一物不備豈湏仰觀俯於是乎列子終身不出自察履涉朝野然後備所見

以為不知游

既聞至言則廢其游觀不出者非自匿於門庭者也

壺丘子曰游其

至乎

向者難以至故重叙也

至游者不知所適至觀

者不知所眡

眡音視內足於已故不知所適反觀於身故不知所眡

物物皆游矣

物物皆觀矣

忘游故能遇物而游忘觀故能遇物而觀

是我之所謂游是我

之所謂觀也

我之所是蓋是無所是耳所適常通而無所凝滯則我之所謂游觀

故曰游

其至矣乎游其至矣乎龍叔謂文摯

摯音至文摯六國時人嘗醫齊威王

或云春秋時宋國良醫也曾治齊文王使文王怒而病愈

曰子之術微矣吾有疾子

能已乎文摯曰唯命所聽

聽平聲

然先言子所病之證龍

叔曰吾鄉譽不以為榮國毀不以為辱得而不喜失而

弗憂視生如死視富如貧視人如豕

無往不齊則視萬物皆無好惡貴賤

視吾如人

忘彼我也

處吾之家如逆旅之舍

不有其家

觀吾之鄉

如戎蠻之國

天下為一

凡此衆疾爵賞不能勸刑罰不能威

盛衰利害不能易哀樂不能移固不可事國君交親友

御妻子制僕隸

夫人所以受制於物者以心有美惡體有利害苟能以萬殊為一貫其視萬物

豈覺有無之異故天子不能得臣諸侯不能得友妻子不能得親僕隸不能得狎也

此奚疾哉

奚方能已之乎文摯乃命龍叔背

背音

明而立文摯自

後向明而望之既而曰嘻吾見子之心矣方寸之地虛

矣幾聖人也子心六孔流通一孔不達

舊說聖人心有七孔也

今

以聖智為疾者或由此乎非吾淺術所能已也無所由

而常生者道也

忘懷任過通亦通窮亦通其無死地此聖人之道者也

由生而生

故雖終而不亡常也

老子曰死而不亡者壽通攝生之理不失元吉之會雖至於死所以

為生之道常存此賢人之分非

由生而亡不幸也

役智求全

貴身賤物違害就利務內役

有所由而常死者亦道也

外雖之於死蓋由於不幸也

行必死之理而之必死之地由死而死故雖未終而自

此事實相應亦自然之道也

亡者亦常

常之於死雖未至於終而生理已盡亦是理之常也

由死而生幸也

犯理

違順應死而未及於此此誤生者也

故無用而生謂之道用道得終謂之

常

用聖人之道存亡得理也

有所用而死者亦謂之道用道而得死

者亦謂之常

乘凶危之理以害其身亦道之常也

季梁之死楊朱望其門

而歌

盡生順之道以至於亡故無所哀也

隨梧之死楊朱撫其尸而哭

生不

幸而死故可哀也

隸人之生隸人之死衆人且歌衆人且哭

隸猶

羣革也亦不知所以生亦不知所以死故哀樂失其中或歌或哭也

目將眇者先睹

睹音

秋毫耳將聾者先聞

而銳反

飛口將爽者先辨

溜音

澠澠音垂淄水出魯郡茌縣茌音蕪縣澠水西自北海郡千乘縣界流至壽光縣二水相合說符篇曰淄澠之合易

牙嘗之○爽差也淄澠水異味既合則難別鼻將室者先覺焦朽之氣亦微

而難體將僵僵音姜者先亟去吏反犇佚音奔逸僵仆也如別也

馬將奔也與心將迷者先識是非目耳口鼻身心此六

人理亦然不可渝變居亢極之勢莫不頓盡故物之弊必先始於盈滿然後之於虧損矣窮上反下極盛必衰自然之數

是以聖人居中履和視日之所見聽耳之所聞任體之所能順心之所識故智周萬物終身全具者也故

物不至者則不反要造極而後還故聰明強鄭之圃澤識皆為闇昧衰迷之所資

圃田也在多賢有道德而東里多才有治能而圃澤之中牟縣

隱默者也

參國政者

圃澤之

役有伯豐子者

役猶弟子

行過

過音戈

東里遇鄧析

析音錫鄧析鄭國辨

智之士執兩可之說而時無抗者作竹書子產用之也

鄧析顧其徒而笑曰為

于偽

反

若舜彼來者奚若

世或謂相嘲調為舞弄也

其徒曰所願知也

猶知

聞鄧析謂伯豐子曰汝知養養

養養上音余亮下音余賞

之義乎受

人養而不能自養者犬豕之類也養物而物為我用者

人之力也使汝之徒食而飽衣而息執政之功也

喻彼為犬

豕自以為執政者也長幼羣聚而為牢藉

藉本作藉側戟反牢謂牲牢也同也藉謂以竹

木圍繞又刺也周禮鼃人以時藉魚鼃蝦也又國語云羅藉魚也莊子云以臨牢柵李願云牢豕室也柵木欄

也文字雖異其意同也舊音柵

庖厨之物奚異犬豕之類乎伯豐子不

應

非不能應機而不應

伯豐子之從者越次而進曰大夫不聞齊

魯之多機乎

機巧也多巧能之人

有善治土木者有善治金革者

有善治聲樂者有善治書數者有善治軍旅者有善治

宗廟者羣才脩也而無相位者無能相使者

事立則有所不周藝

成則有所不兼巧偏而智敵者則不能相君御者也

而位之者無知使之者無能

而知之與能為之使焉

不能知衆人之所知不能為衆人之所能羣才並為之用者不

居知能之地而無惡無好無彼無此則以無為心者也故明者為視聽者為聽智者為謀勇者為戰而我無事

馬荀粲謂傳暇夏侯玄曰子等在世榮問功名勝我識減我耳暇玄曰夫能成功名者識也天下孰有本不足而有餘於末者耶答曰成功名者志也局之所弊也然則志局自一物也固非識之所獨濟我以能使子等為貴而未必能濟子之所為也執政者迺吾之所使子奚矜焉鄧析無

以應目其徒而退公儀伯以力聞諸侯堂谿公

公儀堂谿氏也

皆周賢士言之於周宣王王備禮以聘之公儀伯至觀形懦

夫也

懦弱也音奴亂反

宣王心惑而疑曰女之力何如公儀伯

曰臣之力能折之舌

反

春螽

螽音終一曰蝗也

之股堪秋蟬之翼

堪猶勝也王作色曰吾之力者能裂犀兕之革曳九牛之尾

猶憾其弱女折春蠶之股堪秋蟬之翼而力聞天下何也公儀伯長息退席曰善哉王之間也臣敢以實對臣之師有商丘子者力無敵於天下而六親不知以未嘗用其力故也

以至柔之道御物物無與對故其功不顯

臣以死事之乃告臣

曰人欲見其所不見視人所不窺欲得其所不得修人所不為

人每攻其所難我獨為其所易

故學跡者先見興新學聽者先

聞撞鐘夫有易於內者無難於外

古人有言曰善力舉秋毫善聽聞雷霆亦

此之於外無難故名不出其一家

道至功玄故其名不彰也

今臣之

名聞於諸侯是臣違師之教顯臣之能者也

未能令名迹不顯也

然則臣之名不以負其力者也

猶免於矜故能致稱

以能用其力

者也

善用其力者不用其力也

不猶愈於負其力者乎

矜能顯用

中山公

子牟者魏國之賢公子也

公子牟文侯子作書四篇號曰道家魏伐得中山以邑子

牟因曰中山

好與賢人游不恤國事而悅趙人公孫龍

公子牟也

公子牟公孫龍似在列子後而今稱之恐後人所增益以廣書義苟於統例無所乖錯而足有所明亦奚傷乎

諸如此皆存而不除

樂正子輿之徒笑之公子牟曰子何笑牟之

悅公孫龍也子輿曰公孫龍之為人也行無師學無友

不祖宗 佞給而不中

丁仲反雖才辨而不合理也

漫衍而無家

儒墨刑名

亂行而 好怪而妄言

愛奇異而虛誕其辭

欲惑人之心屈人之口

與韓檀

木安反

等肄之

韓檀人姓名共習其業莊子云桓國公孫龍能勝人之口不能服人

之心辯者之固

公子牟變容曰何子狀公孫龍之過輟請聞其

實

不平其言故形於色罪狀龍太過故責其實驗也

子輿曰吾笑龍之詒

詒音待欺

也下孔穿

孔穿孔子之孫世記云為龍弟子詒欺也

言善射者能令後鏃中

前括發發相及矢矢相屬前矢造準而無絕落後矢之

括猶銜弦視之若一焉

箭相連屬無絕落處前箭著塼後箭復中前箭而後所湊者猶

銜弦視之如一物之相連也

孔穿駭之龍曰此未其妙者逢

蒲江蒙反

之弟子曰鴻超怒其妻而怖之引烏號之弓綦衛

史記云綦

國之竹晉灼曰衛之苑多竹篠

之箭

烏號黃帝弓綦地名出美箭衛羽也

射其目矢來注

眸子而睚

睚音匡

不睚

本作睚目瞬也下同睚且洽反

矢隧

隧音墜

地而塵

不揚

箭行勢極雖著而不覺所謂彊努之末不能穿魯縞也

是豈智者之言與公

子牟曰智者之言固非愚者之所曉

以此言戲子與

後鏃中前

括鈞後於前

同發發於前發則無不中也近世有人擲五木者擲百盧者人以為有道以告王夷甫

甫王夷甫曰此無奇直後擲如前擲耳庾子嵩聞之曰王公之言闇得理皆此類也

矢注眸子而

睚不睚盡矢之勢也

夫能量弓矢之勢遠近之分則入物之與不入在心手之所銓不患

所差跌今設令至拙者閤射箭之所至要當其極當其極也則毫分不復進閤其極則隨遠近而制其深淺矣劉道真語張叔奇云當與樂彥輔論此云不必是中賢之所能孔顏射者則必知此湛以為形用之事理之麗者偏得其道則能盡之若庖丁之投刃匠石之運斤是偏達於一事不待聖賢而後能為之也子何疑

焉樂正子輿曰子龍之徒焉得不飾其闕吾又言其尤

者龍誑魏王曰有意不心

夫心寂然無想者也若橫生意慮則失心之本矣

有

指不至

夫以指求至者則必因我以正物因我以正物則未造其極唯忘其所因則彼此立得矣惠子

曰指不有物不盡

在於麤有之域則常有有在於物盡之際則其一常在其一常在而不可

分雖欲損之理不可盡唯因而不損即而不違則泰山之崇崛元氣之浩茫泯然為一矣惠子曰一尺之神曰取其半萬世不竭也

有影不移

夫影因光而生光苟不移則影更生也夫萬物潛變莫不如此而惑

者未悟故借喻於影惠子曰飛鳥之影未嘗動也

髮引千鈞

夫物之所以斷絕者必有不均之處

處處皆均則不可斷故髮雖細而得秤重物者勢至均故也

白馬非馬

此論見存多有辨之者辨

之者皆不弘通故闕而不論也

孤犢未嘗有母

不詳此義

其負類反倫不可

勝言也

負猶背也類同也言如此之比皆不可備載也

公子牟曰子不諭至言

而以為尤也

尤失反在子輿

夫無意則心同

同於無也

無指則皆至

忘指故無所不至也

盡物者常有

常有盡物之心物既不盡而心更滯

有影不移者說在改也

影改而更生非向之影墨子曰影不移說在改為也

髮引

千鈞勢至等也

以其至等之故故不絕絕則由於不等故墨子亦有此說也

白馬非

馬形名離也

離猶分也白馬論曰馬者所以命形也白者所以命色也命色者非命形也尋此等

語如何可解而猶不歷然

孤犢未嘗有母非孤犢也

此語近於鄙不可解

樂正

子輿曰子以公孫龍

平原君之客字子秉或云趙人

之鳴

一本作公孫龍於馬并注

無異於鳴亦作無異於馬云馬者曰馬論之義也云鳴者但鳴而無理趣取為義則長矣

皆條也

言龍

之言無異於鳴而皆謂有條貫也

設令發於餘竅子亦將承之

既疾龍之辨又

忿年之辭故遂吐鄙慢之言也

公子牟默然良久告退曰請待餘日更

謁子論

既忿氣方盛而不可
理論故遜辭告退也

堯治天下

天下欲治
故堯治之

五十

年不知天下治與不治與不知億兆之願戴已與不願

戴已與

夫道治於物者則治名滅矣治名既
滅則堯不覺在物上物不覺在堯下

顧問左右

左右不知問外朝外朝不知問在野在野不知

若
有知者則治

道未
至也

堯乃微服游於康衢聞兒童謠曰立我蒸民莫匪

爾極不識不知順帝之則

蒸衆也夫能使萬物咸得其
極者不犯其自然之性也若

以識知制物之性
宣順天之道哉

堯喜問曰誰教爾為此言兒童曰我

聞之大夫問大夫大夫曰古詩也

當今而言古詩
則今同於古也

堯還

宮召舜因禪以天下

功成身退

舜不辭而受之

而應

關尹喜

曰在已無居

汎然無係豈有執守之所

形物其著

形物猶事理也事理自明非我之功

也其動若水

順天而動故若水也

其靜若鏡

應而不藏故若鏡也

其應若響

應而不唱

故若響也

故其道若物者也物自違道道不違物

同於道者

道亦得之

善若道者亦不用耳亦不用目亦不用力亦不用

心

唯忘所用乃合道耳

欲若道而用視聽形智以求之弗當矣瞻

之在前忽焉在後用之彌滿六虛廢之莫知其所

道豈有前

後多少哉隨所求而應之

亦非有心者所能得遠亦非無心者所能

得近

以有心無心而求道則遠近其於非

唯默而得之

而性成之者得之

自然無假者則無所失矣

知而忘情能不為真

知真能也

知極則同於無情能盡則歸於不為

發無知何能情發不能何


能為聚現也積塵也

此則府宅

雖無為而非理也



列子卷四



覆校官檢討臣李學錦

校對官學正臣劉景岳

謄錄監生臣胡浚